



唐
宗 千家聯珠詩格





唐 宋
千 家
聯 珠
詩 格

正孫自詩林廣記陶
蘇詩話二編殺青之
後湖海吟社諸公辱
不鄙而下問者益衆
不虞之譽吾方懼焉
一日番禺于默齋遞
所選聯珠詩格之卷
來書抵予曰此為童
習者設也使其機括
既通無往不可亦學
詩之活法歟盍為我
傳之噫吾老矣且願
學焉豈特童子云乎

詩格



哉閱之終編諷詠數
四得以下見其用功之
勞而用心之仁也然
猶惜其雜而未倫略
而未詳也於是逆其
志而博采焉故凡詩
家之一字一意可以
入格者靡不具載擇
其尤者凡三百類千
有餘篇附以評釋增
為二十卷壽諸梓與
鯉庭學詩者其之正
孫固不敢以言詩自

任而乃僭為之增損
者特求無負於默齋
之初志耳夜雪節齋
兒曹燈火吾伊之聲
一倡之歎諒亦賢父
兄之所樂聞也默齋
名濟字德夫志於為
詩平山曾先生序其
所謂拙藁者拳拳然
以高古期之有不天
不止之語則可以知
其學之所向矣正孫
於默齋未見顏色于

里神交若合符契今
又獲儕姓名於文字
間豈非幸歟豈非幸
歟歲庚子春三月蒙
齋野逸叟蔡正孫粹
然書于方寸地

文章天下之公器也
是豈小智自私者所
可得而語哉淵濟於
蒙翁生後二十年辱
翁之知為忘年交凡
言語文字間有可以
相為評品者無一不
招誨于其下一日留
方寸地適有携江左
嘿齋于君之緘來以
詩格三卷與偕披而
視之立意甚新但惜
其擇未精採未廣耳

翁慨然欲成其美於
是旁搜博採增爲二
十卷凡詩家之一字
一意可以入格者悉
羅致之視初本殆將
十倍焉命其子彌高
鳩工而壽諸梓欲以
公天下之斯文也刻
成翁不自以為功乃
大書于君姓名冠之
篇端而自附於其後
余於是作而言曰公
矣哉翁之用心也夫

不祥之實蔽賢者當
之貪天之功掠人之
美天下事如此者不
少而能以一己之善
而樂與人同與人以
名而使之得以軋乎
己吾獨於翁見之公
矣哉翁之用心也惟
公則溥吾知是書之
必能盛行于世矣若
夫編摩之精評品之
當人心之公自有具
眼奚庸贅大德已亥

花朝玉淵王淵濟道
了敬書于龍湖書堂

客有難余者曰詩天
趣也可以格而求之
乎余應之曰工書者
字有格摘詞者文有
格詩豈可以無格哉
苟得已成之法度而
習之是不難蓋嘗病
時人采詩混雜無統
觀者不識其有格暇
日拈出絕句中字眼
合格者類聚而群分
之綱舉目張有條不
紊書成以所集三卷

質之蒙齋翁，是之乃復益其所未備者，而備焉。且命其子彌高，傳諸梓錫，之以連珠之嘉名，讀者了悟如龍護珠，玩弄不釋信乎無遺珠之憾矣。將見融會心胸，隨取隨足，詩之天趣不求得而自得焉。客曰：子之言然，請書德西孟高番易默齋于濟德夫序。

新刊唐宋千家聯珠詩格上目錄

四句全對 起聯平側對

起聯協韻對 起聯疊字對

起聯即景對 起聯數目字對

起聯人事對 起聯以人比物

起聯物比人對 起聯物比物對

後聯對句 後聯用人事對

後聯散用人事 後聯有無字對

後聯以物比人 後聯以物比物

四句疊字相貫 前三句疊字相貫

前三句疊字相貫 後三句疊字相貫

中二句疊字相貫 後二句疊字相貫

第一句疊字 第二句疊字

第三句疊字 第四句疊字

起聯平頭疊字 起聯四平頭疊字

四句設問 前二句問答

後二句問答 後二句問答又

首尾句相貫 第三句貫頭兩句

第四句貫頭兩句 用只今字

用如今字 用今昨字

詩格 上目

用又字	用又字又
用無端字	用明日字
用何人字	用何似字
用何如字	用如何字
用可憐字	用可惜字
用勸君字	用落字
用落後字	用如何字
用今日字	用莫字
用莫字又	用莫向字
用莫向字又	用莫教字
用莫言字	用莫道字
用莫嫌字	用莫嫌字又
用莫嗔字	用莫怪字
用昨夜字	用從來字
用夜來字	用年來字
用近來字	用近來字又
用湏臾字	用贏得字
用無人字	用無人字又
用無人字又	用無人字又
用無人見字	用分字

用我亦字	用雖然字
用說與字	用未必字
用平生字	用花下字
用寄語字	用相逢字
用逢人字	用自字
用若字	用若教字
用若使字	用若為字
用料得字	用安得字
用能得字	用想得字
用待得字	用誰家字
用世事字	用底事字
用等閑字	用閑字
用作字	用只作字
用莫作字	用無情字
用無消息字	用滿眼字
用有幾字	用幾箇字
用飛上字	用向來字
用知有字	用本自字
用慙慙字	用惆悵字
用獨立字	用歸來字

詩各
上目
三

用歸去字	用入不字
用不管字	用不管字又
用不作字	用引得字
用不堪字	用卧看字
用卧聽字	用早知字
用一任字	用疑是字
用自是字	用自從字
用付與字	用多時字
用多少字	用消磨字
用留與字	用不信字
用聞說字	用不覺字
用別有字	用儘教字
用讀易字	用恨字
用夢字	用夢字又
用妨字	用奈何字
用誰知字	用誰知字
用能字	用唯有字
用唯有字又	用唯有字
用猶有字	用猶有字又
用偷字	

上目錄終

新刊唐宋千家聯珠詩格上

番陽默齋于濟 德夫 建安蒙齋蔡正孫粹然 編集

四句全對格

先 漫興 杜工部

糝徑楊花鋪白氈。點溪荷葉疊青錢。竹根稚子無人見。沙上鳧雛傍母眠。

先 絕句

兩箇黃鸝啼翠柳。一行白鷺上青天。窓含西嶺千秋雪。門泊東吳萬里船。

侵 溪陰堂 蘇東坡

白水滿時雙鷺下。綠槐高處一蟬吟。酒醒門外三更日。卧見溪南十畝陰。

起聯平側對格

灰 上高侍郎 高蟾

天上碧桃和露種。日邊紅杏倚雲栽。芙蓉生在秋江上。不向東風怨未開。

支 宿杜家亭 賈島

牀頭枕是溪邊石。井底泉通竹下池。宿客不眠過半夜。獨聞山雨到來時。

麻 及第

夏竦

殿上衮衣明日月，硯中旗影動龍蛇。
縱橫禮樂三千字，獨對丹墀日未斜。

真 士林

張橫渠

士林煙足袖袞煖，瓦釜泉甘豆粥新。
萬事不求溫飽外，漫然清世一閑人。

起聯協韻對格

元

過鄭山人居

劉長卿

寂寂孤鶯啼杏園，寥寥一犬吠桃源。
落花芳草無尋處，萬壑千峰獨閉門。

陽

巴陵夜別

賈至

柳絮飛時別洛陽，梅花落後在瀟湘。
世情已逐浮雲散，離恨空隨流水長。

寒

白髮

張橫渠

白髮千梳晝景暄，烏甌一啜夜窓寒。
廟堂勤苦茅齋靜，不見人心有兩般。

先

傷春

何橋潭

荷葉初浮水上錢，柳花飄盡岸頭綿。
不知春色歸何處，欲向青山問杜鰲。

起聯疊字對格

微 懶起吟

邵康節

半記不記夢覺後，似愁無愁情倦時。
擁衾側臥未收，起簾外落花繚亂飛。

灰

行邁

黃山谷

白白紅紅相間開，三五五踏青來。
戲隨胡蝶不知遠，驚見行人笑却迴。

虞

梅

劉後村

喚做孤來又不孤，道他癯後幾曾癯。
直須揀箇詩人比，慶曆郎官字聖俞。

侵

秋聲

余林塘

黃葉颼颼風瑟瑟，悲蟬咽咽雨淋淋。
不知窓外梧桐上，攪碎愁人幾寸心。

起聯即景對格

庚

秋思

杜荀鶴

雨勻紫菊叢叢色，風弄紅蕉葉葉聲。
北畔是山南畔海，祇堪圖畫不堪行。

支

贈劉景文

東坡

荷盡已無擎雨蓋，菊殘猶有傲霜枝。
一年好景君須記，正是橙黃橘綠時。

麻

有約

趙師秀

言格
黃梅時節家家雨。青草池塘處處蛙。
有約不來過。夜半閑敲碁子落。燈花。

尤 泊湧金門 林鴻

煙生揚柳一痕。月雨芙蓉數點秋。
此景此時描不盡。畫船歸去有漁舟。

先 起聯數目字對格 于葦

七八葉蘆秋水。外雨三箇鴈夕陽邊。

尤 巫山旅別 崔塗

筆頭到處渾無碍。掃破寒潭一幅煙。
五千里外三年客。十二峰前一望秋。
無限別魂招不得。夕陽西下水東流。

真 詔赴都 柳宗元

十一年前南渡客。五千里外北歸人。
詔書許逐陽和至。驛路開花處處新。

庚 曉行 張良臣

千山萬山星斗落。一聲兩聲鐘磬清。
路入小橋和夢過。豆花深處草虫鳴。

起聯人事對格 呂與叔

灰 送劉戶曹

學如元凱方成癖。文似相如反類俳。
獨立孔門無一事。祗輸顏子得心齋。

支 戲 王秋江

文如王執徒。輕體字若羲之。祗俗姿。
二十年前多用力。如今一事亦無之。

真 絕句 李明家

曾遭甯戚鞭敲角。又被田單火燎身。
閑背斜陽盡枯草。近來問喘更無人。

先 訪梅 劉後村

夢得因桃數左遷。長源為柳忤當權。
幸然不識桃和柳。却被梅花誤十年。

先 起聯以人喻物格 章莊

陽 白牡丹 閨中莫妬啼粧婦。陌上須慚傅粉郎。
昨夜月明渾似水。入門唯覺一庭香。

陽 青奴 黃山谷

穠李四弦風拂席。昭華三弄月侵床。
我無紅袖堪娛夜。正愛青奴一味涼。

庚 求硯 楊時可

尖頭奴有五兄弟。第十八公生四客卿。

寺各

過我書齋無一事似應終日待陶泓
寒梅 蒙齋

鄭先生醉從官冷陳后山貧耐忍寒
同是梅花清苦操九原叫起古人難
起聯物喻人格

剛 天津感事 邵康節
水流縱急境常靜花落雖頻意自閑
不似世人忙裏老生平未始得開顏
先 書醕池書堂 黃山谷

小點大癡螳捕蟬有餘不足夔怜蚊
退食歸來北窗夢一江風月趁漁舡
庚 謝逸士 張忠實

寒蛩夜靜忙催織戴勝春歸苦勸耕
人若無心濟天下不知虫鳥又何情
侵 江上即事 曾未

黃牛嗜草苦溪隔白鷺窺魚愁水深
一飽各知能幾許看渠得失也關心
起聯物喻物格

微 薔薇 張祐
曉風林破燕支穎夜雨催成蜀錦機

江 畫睡鴨 山谷
山雞照影空自愛孤鸞舞鏡不作雙
天下真成長會合兩鬼相倚睡秋江

支 牡丹 王晦材
棗花至小能成實桑葉雖柔解吐絲
堪笑牡丹如許大不成一事又空枝
後聯對句格

尤 漫興 杜工部
腸斷春江欲盡頭杖藜徐步立芳洲
顛狂柳絮隨風舞輕薄桃花逐水流

灰 書湖陰壁 王荊公
茅簷長掃淨無苔花木成蹊手自栽
一水護田將綠繞兩山排闥送青來

東 絕句 僧志南
古木陰陰繫短篷杖藜扶我過溪東
沾衣欲濕杏花雨吹面不寒楊柳風

先 後聯用人事對格
使君那解日參禪一望叢林一悵然

先 虔州寺 東坡

言格 上 四

成佛莫教靈運後著鞭須使祖生先
寒 臨城道中 東坡

逐客何人着眼看太行千里送征鞍
未應惡谷能留柳可獨銜山解識韓

後村 秋風

黃葉蕭蕭忽滿階獨騎瘦馬豫章臺
莫將宋玉心中事吹向潘郎鬢上來

東 梅花 蒙齋

一樹清標萬古同風流人物品題中
若非玉色程明道便是深衣司馬公

後聯散用人事格

侵 筭 王元之

數畝春畦獨步尋送犀抽錦蠹森森
田文死去賓朋散拋擲三千玳瑁簪

文 退筆 林和靖

神功雖缺力猶存架卓珊瑚欠策勳
日暮開窓何所似灞陵憔悴舊將軍

支 西湖 東坡

水光潑灑晴偏好山色朦朧雨亦奇
若把西湖比西子淡粧濃抹兩相宜

陽 葵花

植物雖微性有常人心翻覆至難量
李陵衛律陰山死不似葵花識太陽

後聯有無字對格

真 涼州曲 柳中庸

關山萬里遠征人一望家山淚滿巾
青海城頭空有月黃沙磧裏本無塵

庚 初夏 溫公

四月清和雨乍晴南山當戶轉分明
更無柳絮因風起惟有葵花向日傾

微 東禪 右山

東阡急雨未成泥度密穿深取逕微
邂逅無人成獨往慙慙有月與同歸

元 雪後 譚知柔

晚醉扶筇過別村數家殘雪擁籬根
風前有恨梅千點溪上無人月一痕

後聯以物比人格

真 醉後 劉商

春草秋風老此身一瓢長醉任家貧
醒來還愛浮萍草漂寄官河不屬人

詩各 上 五

庚 贈別 杜牧

多情恰似總無情，唯覺樽前笑不成。
蠟燭有心還惜別，替人垂淚到天明。

真 杏花 羅隱

暖氣潛催次第春，梅花已謝杏花新。
半開半落閑園裏，何異榮枯世上人。

仄 雪中觀妓 王氏

梁王宴罷下瑤臺，窈窕紅靴步雪來。
恰似陽春三月暮，暮楊花飛處牡丹開。

○後聯以物比物格

東 夜雪 東坡

石泉凍合竹無風，夜色沈沈萬境空。
試向靜中閑側耳，隔窗撩亂撲飛蟲。

支 方池 錢昭度

東道主人心匠巧，鑿開方石貯漣漪。
夜深因被寒星照，恰似山翁一局碁。

東 蜂媒 劉後村

蜜口傳香好信通，為花評品嫁東風。
香鬚粘得花英去，疑是纏頭利市紅。

虞 西湖值雨 葉苔機

山入煙雲半有無，巖然風雨暗平湖。
却將錦樣鶯花地，變作元暉水墨圖。

○四句疊字相貫格

蕭 謝寄枕 邵康節

荷君寄我道遙枕，恐我道遙亦未超。
形迹道遙未為至，更和魂夢與道遙。

支 芭蕉 張橫渠

芭蕉心盡展新枝，新卷新心暗已隨。
願學新心長新德，旋隨新葉起新知。

元 野外 蔡節齋

松裏安亭松作門，看書松下坐松根。
閑來又倚松陰睡，淅瀝松聲繞夢魂。

真 梅花 方秋崖

有梅無雪不精神，有雪無詩俗了人。
薄暮詩成天又雪，與梅併作十分春。

○前三句疊字相貫格

先 偶題 朱文公

步隨流水覓溪源，行到源頭却惘然。
始悟真源行不到，倚筇隨處弄潺湲。

先 吉祥探花 蔡君謨

花未全開。月未圓。看花待月。思依然。明知花月無情。物若使多情。更可憐。

靜居 李宗易

大都心足。身還足。祗恐身閒。心未閒。但得心閒。隨處樂。不論朝市與雲山。

侵 佳。 蒙齋

幾度任欄約。夜深。夜深。情緒不如。如今。強倚闌干。立月滿。空階。霜滿林。

前二句疊字相貫格

麻 晴景 王駕

雨前初見。花間。葉雨後。兼無。兼裏。花。蚊蝶飛來。過牆。去。應疑。春色在。鄰家。

支 寄樂天 元稹

休遣玲瓏唱。我辭。我辭。多是。寄君。詩。明朝。又向。江頭。到。月落。潮平。是。去時。

尤 賞牡丹 東坡

人老簪花。不自。羞。花應。羞。上。老人。頭。醉歸。扶路。人爭。笑。十里。珠簾。半。上。鉤。

庚 惜春

花正開時。天不晴。晴時。滿樹。綠陰。成。

闌干倚遍。空惆悵。靜聽。黃鸝。一兩聲。

中二句疊字相貫格

陽 聞龜兒詠詩 樂天

伶渠已解弄。詩章。搖膝。支頤。學。二郎。莫學。二郎。吟。太。苦。年。纔。四。十。鬢。如。霜。

灰 浪山梅 荊公

聞有。名花。即。漫。裁。慙。慙。準。擬。故。人。來。故人。歲。歲。相。逢。晚。此。後。同。看。更。幾。回。

文 遇翁靈針 石屏

天台。山。與。馬。山。鄰。只。隔。中。間。一。片。雲。一。片。雲。間。不。相。識。三。千。里。外。却。逢。君。

无 秋雲 何玉溪

搔首。西風。幾片。愁。中秋。定。自。不。登。樓。登樓。不。得。渾。閑。事。且。放。前。山。出。一。頭。

後三句疊字相貫格

夏 亂後曲江 王駕

憶昔。爭。遊。曲。水。濱。未。春。長。有。探。春。人。遊。春。人。盡。池。空。在。直。到。春。深。不。似。春。

文 招楊德逢 荊公

山林。投。老。倦。紛。紛。獨。卧。看。雲。却。憶。君。

雲尚無心能出岫不應君更懶於雲

刪 山中僧 天隨子

半開一室翠微裏日暮白雲棲半間

白雲朝出天際去若比老僧雲未開

刪 絕句 僧顯萬

萬松嶺上一間屋老僧半間雲半間

五更雲去逐行雨回頭却羨老僧閑

後二句疊字相貫格

微 君不來 方干

遠路東西欲問誰寒來無處寄寒衣

去時初種庭前樹樹已勝巢人未歸

麻 客亭對月 李洞

遊子離魂隴上花風飄浪泊遠天涯

一年十二度圓月十一回圓不在家

支 聞怨聞鶉 舒孫野奎

杜鵑勸妾不如歸何似啼教蕩子知

郎若歸時還有妾妾如歸去更依誰

第一句疊字格

灰 對酌 李太白

一盃一盃復一盃兩人對酌山花開

我醉欲眠君且去明朝有意抱琴來

庚 寄張書記 杜荀鶴

一更更盡到三更吟破離心句不成

幾樹秋風滿庭月憶君時復下階行

先 夏雲 僧奉忠

如峰如火復如綿飛過微陰落檻前

大地生靈軋欲死不成霖雨謾遮天

第二句疊字格

先 山中 盧玉川

飢拾松花渴飲泉偶從山後到山前

陽坡草軟厚如織因與鹿麕相對眠

真 聖墅寄兄 竇鞏

懶性如今是野人行藏由興不由身

莫驚此度歸來晚買得西山正值春

寒 夜直 王荊公

金爐香燼漏聲殘剪剪輕風陣陣寒

春色惱人眠不得月移花影上闌干

東 秋曉 陳月窓

亂鴉啼散玉屏空一枕新涼一扇風

睡起秋聲無覓處滿階梧葉月明中

曉

7

惜

第三句疊字格

支 遊水月臺 李涉

平流白日無人愛，橋上閑行只自知。

水似晴天天似水，兩重星點碧琉璃。

寒 華清宮 崔魯

草遮回磴絕鳴鑿，雲樹深深碧殿寒。

明月自來還自去，更無人倚玉闌干。

支 閑步 康節

因隨芳草行來遠，為愛清波歸去遲。

獨步獨行仍獨坐，初涼天氣未寒時。

虞 松聲 誠齋

松本無聲風亦無，適然相值兩相呼。

非金非石非絲竹，萬頃銀濤殷五湖。

第四句疊字格

麻 元溪道中 韓偓

水自潺湲日自斜，盡無雜犬有啼鴉。

千村萬落如寒食，不見人煙空見花。

陽 宮怨 劉媛

兩滴梧桐秋夜長，愁心和雨到昭陽。

淚痕不學君恩斷，拭却千行更萬行。

尤溪

東 浮山洞 東坡

人言洞府是龍宮，升降隨波與海通。

共坐船中那得見，乾坤浮水水浮空。

冬 武夷山 秋厓

家在清溪第幾峰，誰牽薜荔采芙蓉。

漁歌未斷忽歸去，翠壁一重雲一重。

起聯平頭疊字格

微 履道居 樂天

莫嫌地窄池亭小，莫厭家貧活計微。

多少朱門鎖空宅，主人到了不曾歸。

魚 示姪 山谷

莫去溪邊學釣魚，莫將百丈作輕轡。

清江躍足坐窓下，燕子日長宜讀書。

真 驢別 鄭谷

楊子江頭楊柳春，楊花愁殺渡江人。

一聲羌笛離亭晚，君向瀟湘我向秦。

支 金縷衣曲 杜氏

勸君莫惜金縷衣，勸君須惜少年時。

花開堪折直須折，莫待花殘空折枝。

起聯四平頭疊字格

凡笛

虞 梅邊

秋厓

一枝密密一枝疎，一樹亭亭一樹枯。月是毛錐煙是紙，為予寫作百梅圖。

侵 神仙

邵清甫

一炷清香一卷經，一輪明月一張琴。回頭萬象皆賓客，細嚼南山北斗斟。

陽 野梅

謝春卿

不傍疎籬不近牆，不臨官路不橫塘。前村開遍人知少，馬上唯聞有暗香。

剛 廬山步月

周登

不入山中不識閑，不因月上不知還。老僧長揖歸方丈，只有鐘聲送出山。

四句設問格

冬 勘會賀蘭山主

荊公

賀蘭山上幾株松，南北東西有幾峰。買得住來今幾日，尋常誰與坐從容。

麻 附皇甫冉問李二司直六言

門外水流何處

天邊柳遠誰家。山絕東西多少，朝朝幾度雲遮。

虞 問訊李山人

于默齋

知有南山松幾株，入山射至幾於菟。撫機欲發又何日，將誰負弩效前驅。

支 寄訊魏梅野

蒙齋

開到梅花第幾枝，小槽酒熟幾何時。吟節肯過山齋末，近有新吟多少詩。

前二句問答格

虞 先天吟

康節

若問先天一字無，後天方用着工夫。披山蓋世稱才力，到此分毫強得無。

刪 答山中人

太白

問余何意棲碧山，笑而不答心自閑。桃花流水杳然去，別有天地非人間。

尤 靈隱冷泉亭

廬野涉

問山何以名靈隱，山曰當年隱許由。千古冷泉流不歇，客來洗耳莫驚鷗。

庚 送吳定夫

趙章泉

問君此去復何生，為道還家歲且更。四海九州參未遍，來春更有靖州行。

後二句問答格

灰 觀書有感

朱文公

詩格

半畝方塘一鑑開。天光雲影共徘徊。
問渠那得清如許。為有源頭活水來。

文 漁郎

劉後村

溪上漁郎占斷春。一川碧浪映紅雲。
問渠定是神仙否。鴈去如飛語不聞。

陽 清平調辭

李太白

一枝紅艷露凝香。雲雨巫山枉斷腸。
借問漢宮誰得似。可憐飛燕倚新粧。

元 清明

杜牧之

清明時節雨紛紛。路上行人欲斷魂。
借問酒家何處有。牧童遙指杏花村。

○後二句問答又格

微 壬戌歸

吳融

六載抽毫侍禁闈。不堪多病決然歸。
五陵年少如相問。阿對泉頭一布衣。

元 連昌宮

昌黎

夾道疎槐出老根。高臺巨榭壓山原。
宮前遺老來相問。今是開元幾葉孫。

先 孤山喚渡

潘湖隱

吟傍蘇堤欲暮天。孤山影裏喚歸船。

旁人問我詩成未。思在斷橋煙柳邊。

微 答鄰叟

蒙齋

桃李故園春寂寂。家山舊事夢依依。
鄰翁問我歸來未。纔有茅廬我便歸。

○首尾二句相貫格

陽 渡桑乾

賈島

客舍并州已十霜。歸心日夜憶咸陽。
如今又渡桑乾水。却指元州是故鄉。

寒 贈月篷

朱聖錫

月掛疎篷雪未乾。古潭深映碧蘆寒。
梅花開向群芳上。正好推蓬帶月看。

先 再會尹祈叔

張至龍

二十年前過葛川。相逢一笑老堪憐。
而今憶著當時事。二十年前是少年。

刪 送祁師

翁逢年

去年風雨廬山路。君送我行泉石間。
今日君行我還送。依前風雨似廬山。

○第三句貫頭兩句格

支 諷蔡文忠

賈公餗

聖君寵厚寵頭選。慈母恩深鶴髮垂。

君寵母恩俱未報，酒如成病悔何追。

贈种隱者

陳希夷

事不關心皆是累，源未了幾時閑。

須將未了并身累，分付他人入舊山。

東 再到洛陽

康節

當年曾是青春客，今日重來白髮翁。

今日當年成一世，幾多興替在其中。

灰 自謝

康節

得自苦時終入苦，來從哀處卒歸哀。

既非哀苦中間得，此樂直從天外來。

第四句貫頭兩句格

麻 夜坐

鄭有極

江梅欺雪，樹榘牙梅，片飄零，雪片斜。

夜半和風到窓紙，不知是雪是梅花。

支 梅月屏

許子文

屏間梅月兩相宜，梅不飄零月不虧。

夢覺不知窓欲曙，只疑月色在梅枝。

麻 梅邊酌月

蒙齋

娟娟霜月浸窓紗，一樹寒梅影半斜。

今夜相逢須劇飲，莫教負月負梅花。

用只今字格

真 蘇臺

李太白

舊苑荒臺楊柳新，菱歌清唱不勝春。

只今唯有西江月，曾照吳王歌舞人。

支 王澗絕句

朱文公

獨抱瑤琴過玉溪，琅然清夜月明時。

只今已是無心久，却怕山前荷蕢知。

先 荅誠齋

文公

曾誦離騷夜叩舷，江湖滿地水浮天。

只今擁鼻寒窓底，爛却沙頭月一船。

用如今字格

支 帳別

杜牧之

自恨尋芳已太遲，昔年曾見未開時。

如今風擺花狼藉，綠葉成陰子滿枝。

歌 宮詞

王建

魚藻池中鎖翠娥，先皇行處不曾過。

如今池底休鋪錦，菱角雞頭積漸多。

陽 少年行

令狐楚

少小邊頭慣放狂，驕騎番馬射黃羊。

如今年老無筋力，獨倚營門數鴈行。

元 朱陳村圖

東坡

我是朱陳舊史君。勸農曾入杏花村。如今風物何堪畫。縣吏催錢夜打門。

○用今昨字格

灰 竹窓

朱文公

昨日土牆當面立。今朝竹牖向陽開。人心若道無通塞。明闇何緣有去來。

微 荅施榮甫

趙章泉

昨韻村中好客稀。今吟臨水送將歸。笑談未了風吹斷。何日重能款竹扉。

虞 過鑑湖

翁施龍

昨午曾過賀家湖。今日煙波大半無。惟有一天秋夜月。不隨田畝入官租。

虞 逢故人

陳葵窓

昨午曾作江東別。今日相逢在上都。滿袖塵埃何處去。風霜吹老白鬚鬚。

○用又字格

刪 題鶴林寺

李涉

終日昏昏醉夢間。忽聞春盡強登山。因過竹院逢僧話。又得浮生半日閑。

庚 雪霽

戎昱

風捲黃雲暮雪晴。江煙洗盡柳條輕。簾前數片無人掃。又得書牕一夜明。

先 歎老

沈存中

唯覓少年心。不得當時感舊已。潛然情懷此日君。休問又老當時二十年。

寒 無題

僧凌原

衾裏偷開未得開。買書幾帙不曾看。旋鋤月地移蘭種。又費工夫縛矮闌。

○用又字又格

文 江南逢李龜年

杜工部

岐王宅裏尋常見。崔九堂前幾度聞。正是江南好風景。落花時節又逢君。

支 吳越

唐人

家國興亡自有時。吳人枉了怨西施。西施若解亡吳國。越國亡時又是誰。

先 江亭

柳花岳

白雲深處僧炊飯。綠樹陰中人喚船。一片夕陽吟不盡。鷓鴣啼了又踈蟬。

先 晚步

蕭雲麓

詩各

二

十三

過盡江南二月天。斬新綠樹暗生煙。
溪山不老詩人在。花落花開又一年。

○用無端字格

麻 浪淘沙詞 劉禹錫

洛水橋邊春日斜。碧流輕淺見瓊沙。
無端陌上狂風急。驚起鴛鴦出浪花。

尤 首夏 王荊公

荷葉初開。笋漸抽。東陵西蕩正堪遊。
無端隴上偷偷麥。橫起風寒。占作秋

東 朝送蟹無酒 石屏

坐到秋山興味濃。送來霜蟹滿筠籠。
無端却被盧郎笑。左手持螯。右手空

侵 夜雨 王節卿

簾幕蕭蕭。竹院深。客懷孤寂伴燈吟。
無端一夜空階雨。滴碎思鄉。萬里心

○用明日字格

仄 題館壁 劉貢父

壁門禁闕倚天開。五見宮花落古槐。
明日扁舟滄海去。却從雲氣望蓬萊。

支 送李秋堂 朱靜脩

相逢已恨十年遲。買酒吳山一夜詩。

明日送春仍送客。柳花風颺鬢絲絲。

支 遇友復別 張國香

梅花江上訴心期。千里相逢酒一卮。

明日馬蹄風雪裏。知誰先有寄來詩。

尤 錢別 趙小山

宦途如海偶同遊。杯酒陽關段段愁。

明日青山身別國。有山高處可回頭。

○用何人字格

支 即日 韋應物

小鼎煎茶。面曲池。白鬢道士竹間棋。

何人書破蒲葵扇。記得南塘移樹時。

庚 處士亭 杜牧

水接西江天外聲。小齋松影拂雲清。

何人教我吹長笛。共倚春風弄月明。

東 硯屏 林子來

露華霜荷。落晚風。數行歸雁下秋空。
何人收拾江湖景。都在明窓淨几中。

侵 寒林圖 周南峰

老樹空枝。鐵色深。風煙蒼莽氣蕭森。

何人胸次藏丘壑半幅鴛溪著鄧林
○用何似字格

東 崇山寺壁 無名氏

一團芳草亂蓬蓬蒿地燒天蒿地空
何似滿爐煨楮枯慢騰騰地煖烘烘

寒 白牡丹 東坡

城西千葉豈不好笑舞東風醉臉丹
何似後堂冰玉潔遊蜂非意不相干

侵 琴服 王秋江

道人休羨壁間琴綠服朱絃遇賞音
何似嶧陽孤絕處飽沾風露長清陰

灰 梅影 周南峰

紙窓窓上月徘徊印得窓前弄影梅
何似開窓放明月和香和影一時來

○用何如字格

尤 秋意 劉參玄

慘淡江城鴈唳秋有人和淚倚南樓
何如把酒東籬下抵見黃花不見愁

虞 勉悟真 于默齋

心法其精口耳粗課經未是佛工夫

何如向上求真覺悟到真時一字無

麻 詠梅 蒙齋

京洛繁華自昔夸十千爭買牡丹花
何如滿載詩囊去踏雪前村賣酒家

陽 雷公 韓致元

閑人倚柱笑雷公又向深山霹靂松
必若有蘇天下意何如驚起武侯龍

○用如何字格

刪 春日客舍 李頻

識盡東南萬里山青春日月坐銷難
如何別却故園後五度花開五處看

歌 西施 黃象湖

百媚懷春古越娥笑中未必有干戈
如何箇樣身材小著得吳恨許多

庚 驛程記 趙鈞月

白塔橋邊買地經長亭短堠甚分明
如何只到錢塘住不說中原有幾程

青 子陵釣臺 成齋堂

節義功名揔不輕南宮圖像煥丹青
如何只畫風雲將不畫桐江一客星

言格
用可伶字格

庚 榴花

韓昌黎

五月榴花照眼明，枝間時見子初成。
可伶此地無車馬，顛倒青苔落絳英。

真 賈生

李商隱

宣室求賢訪逐臣，賈生才調更無倫。
可伶夜半虛前席，不問蒼生問鬼神。

陽 文帝

馬子才

親屈亞父來，細柳立還魏尚聽。
馮唐可伶一覺登天夢，不夢商巖夢鄧郎。

侵 岳王墓

落盡青松百草深，鷺鷥斜日叫寒林。
可伶一片西湖土，埋却英雄未死心。

用可伶字格

寒 水南

張遂初

荻花風起釣舟寒，楓樹江邊葉半丹。
可伶年年明月夜，漁家只作等閑看。

歌 僧畫松

蕭大

菩提元自樹無何，畫到精時墨是魔。
可伶老禪看未破，淡梢濃葉苦心多。

麻 水仙花

山谷

淤泥解作白蓮藕，糞壤能開黃玉花。
可伶國香天不管，隨緣流落小民家。

魚 戲為

王秋江

多言謾聒他人耳，行事無非往聖書。
可伶參乎多一唯，不如回也只如愚。

用勸君字格

真 送元二

王摩詰

渭城朝雨裊輕塵，客舍青青柳色新。
勸君更盡一盃酒，西出陽關無故人。

寒 鸚鵡

羅隱

莫恨雕籠翠羽殘，江南地暖隴西寒。
勸君不用分明語，語得分明出轉難。

庚 梅樓

鄭碩

山雪樓頭半夜明，天風吹下讀書聲。
勸君莫把離騷讀，見說梅花恨未平。

微 翠禽

韓偓

天長水濶網羅稀，保得重重翠碧衣。
挾彈少年多害物，勸君莫近五陵飛。

用落字格

詩格

七

下

東 松下

趙竹居

踏破蒼苔一徑封。身如野鶴倚喬松。吟髭撚斷不知去。滿面松花落晚風。

尤 江行

趙信庵

霜清月冷鴈聲秋。今古江流不盡愁。風捲蘆花漫雪浪。夜深鼓棹落汀洲。

先 晚春湖上

周葵窓

波面晴風破晚煙。輕寒猶是牡丹天。正無情緒裁春句。一點楊花落酒邊。

尤 圍碁

張志龍

蕭森風竹擁虛樓。夢遶湘江六月秋。忽喜靜中生動意。一聲飛玉落枰楸。

用落後字格

先 西湖晚歸

張良臣

帖帖平湖印晚天。踏歌遊女錦聯翩。鳳城半掩人歸去。猶有胡琴落後船。

尤 贈楊生

張志龍

楊葉驚寒已盡凋。枯條猶自弄輕柔。東風初窄黃金葉。那說秋霜落後頭。

刪 題常樂寺

唐求

挂冷松香十里間。殿臺渾不似人寰。日斜回首江頭望。一片閑雲落後山。

麻 春暮

蒙齋

簾捲東風燕影斜。悠悠芳草楚天涯。千紅萬紫都狼藉。猶有薔薇落後花。

用如何字又格

東 烏衣國

林古村

淒涼庭院燕來空。不似公山鶴有功。春到洛陽泥更滑。如何營壘只江東。

庚 江雨

項雲菴

夜窓疎雨不堪聽。獨坐寒齋萬感生。今夜故人江上宿。如何禁得打篷聲。

寒 五更寒

周南峰

風淒露肅夜漫漫。漫破榻欹危枕未安。三幅布衾冰似冷。如何遮障五更寒。

用今日字格

支 汴州聞角

武元衡

何處金笳月裏悲。悠悠邊客夢先知。單于城上關山曲。今日中原總解吹。

真 峽口送友人

司空曙

峽口飛花欲盡春。天涯去住淚沾巾。
來時萬里同為客。今日翻成送故人。

真梅 蒙齋

粉瘦瓊寒照眼新。千林春意喜津津。
去年花下曾孤倚。今日相逢是故人。

用莫字格

寒梅花 謝無逸

約束幽香夜閉關。斬新霜露玉肌寒。
莫教醉裏風吹盡。留取醒時子細看。

庚秋夜 陳簡齋

中庭淡月照三更。白露橫空河漢明。
莫遣西風吹葉盡。却愁無處着秋聲。

寒春寒 何橘潭

博山熏盡鷓鴣斑。羅帶同心不忍看。
莫近闌干聽花雨。樓高無處着春寒。

灰桂花 陳藏一

分枝誰遣下雲階。翡翠中間萬粟堆。
莫把黃金容易比。黃金安得有杏來。

用莫字又格

魚題獵圖 周葵總

黃葉坡頭駐隼旟。三軍校獵楚山墟。
彎弓莫射南來鴈。恐有中原父老書。

真放棧 吉師老

放爾千山萬水身。白雲紅樹好為鄰。
啼時莫近蕭湘岸。明月孤舟有旅人。

蕭對春風 高蟾

明月斷魂清藹藹。平蕪歸思綠迢迢。
人生莫遣頭如雪。縱得春風亦不消。

陽折荷花 陳藍山

月到軒窗午夜涼。荷花數朵伴清觴。
剪時莫剪亭亭翠。減却鴛鴦夢裏香。

用莫向字格

麻馮公嶺 曹豳

村南村北梧桐角。山後山前白菜花。
莫向杜鵑啼處宿。楚鄉寒食客思家。

真寄岳仲 錢穆父

東方千騎擁朱輪。衣錦歸逢故國春。
莫向西湖戀風月。鵲原知有望歸人。

文聞鵲 潘紫巖

一聲啼破萬山雲。我正思歸却喜聞。

莫向貴人庭樹上。王孫金彈不饒君。
尤 別去 李昌符

又將書劍出孤舟。盡日停棹結遠愁。
莫向江邊話離別。江波一去不回頭。
○用莫向字又格

歌 和韻 東坡

我擊藤牀君唱歌。明年六十奈君何。
醉狂只要裝風景。莫向人前自洗磨。

豪 秋日 陳棠

玉樹凌秋俠氣高。相逢呼酒斫霜螯。
男兒未了菟裘債。莫向西風說二毛。

東 老翁 何應龍

八十昂藏一老翁。得錢長是醉春風。
杏花村酒家家好。莫向橋邊問牧童。

東 看松 王士炭

萬木榮春一翠同。不同事在歲寒中。
看松自有看時節。莫向東風向北風。

○用莫教字格

灰 種花 歐陽公

淺深紅白宜相間。先後仍須次第栽。

我欲四時携酒去。莫教一日不花開。

陽 題竹西寺 東坡

道人勸飲雞蘓水。童子能煎鶯粟湯。
暫借藤床并瓦枕。莫教辜負竹風涼。

寒 即事 羊士諤

紅衣落盡暗香殘。葉上秋光白露寒。
越女念情已無限。莫教長袖倚闌干。

灰 簡王式之 王滄灣

傳盃有約誤前回。我欲無詩奈此梅。
正好倚闌天又雨。莫教容易上蒼苔。

○用莫言字格

文 隱者 陳一齋

洗耳人間事不聞。青松為友鹿為群。
莫言隱者無功業。早晚山中管白雲。

灰 武夷棹歌 朱文公

八曲風煙勢欲開。鼓樓岩下水縈回。
莫言此地無佳景。自是遊人不上來。

灰 七夕

織女牽牛雙扇開。年年一度過河來。
莫言天上稀相見。猶勝人間去不回。

魚 和周南峰

謝疊山

乾坤儘大要人扶。試問蒼生還得甦。萬古不磨惟道理。莫言稷契讀何書。

○用莫道字格

麻 和令狐相公

劉禹錫

平章宅裏一闌花。臨到開時不在家。莫道兩京非遠別。春明門外即天涯。

陽 寄穆侍郎

王昌齡

一從恩遠度瀟湘。江北江南萬里長。莫道勣門書信少。鴈飛猶得到衡陽。

魚 雜興

陳陶

一顧成用力。有餘白雲開。釣五溪魚。中原莫道無麟鳳。自是皇家結網疎。

先 金錢菊

趙純湖

拋却湖邊一釣船。簿書叢裏過殘年。近來莫道催科拙。鑄得黃金滿地錢。

○用莫嫌字格

支 斑竹杖

賈島

揀得林中最健枝。結根石上長身遲。莫嫌滴瀝紅斑少。恰是湘妃淚盡時。

莫 春日

張南軒

花柳芳洲十日晴。五更春雨送殘春。莫嫌紅紫都吹盡。新綠滿園還可入。

支 讀詩

周南峯

閑閱風騷萬卷詩。拈花摘葉尚新奇。莫嫌句裏無唐律。唐句吟成不入時。

先 謝惠紫石硯

張安國

曾侍虛星玉案前。夜書繭帛筆如椽。莫嫌此石規模小。一寸玄靈萬斛泉。

○用莫嫌字又格

東 湖上

王月山

水邊開到木芙蓉。奪取荷花十里紅。野蔼莫嫌顏色淺。情知一樣是秋風。

真 秋夜

周月庭

怕聽簷雨到天明。滴得一年秋髮新。遠客莫嫌歸夢數。不知無夢更愁人。

○用莫嗔字格

陽 田園雜興

范石湖

擘柚無煙雪。夜長地爐煨酒煖。如湯。莫嗔老婦無盤釘。笑指灰中芋栗香。

微 宿木村

周南峰

山雨初收涼思微
樹林陰翳逗斜暉
莫嘆野店無肴核
薄酒堪沽豆莢肥

○用莫怪字格

麻 漫書

司空曙

溪邊隨地有桑麻
盡日山程數十家
莫怪行人頻悵望
杜鵑不是故鄉花

真 送蜀客

雍陶

劍南風景臘前春
山鳥江風得雨新
莫怪送君行較晚
自緣身是憶歸人

先 宮人翰墨

曹文姬

玉皇前殿掌書仙
一染塵心下九天
莫怪濃香熏骨膩
雲衣曾惹御爐煙

歌 月中雨作

黃孝邁

半池明月晒金波
一片秋聲出敗荷
莫怪閉門先睡去
客中聽雨不宜多

○用昨夜字格

陽 自得

劉參玄

一聲鐵笛喚斜陽
收拾煙霞咽酒觴
昨夜醉眠何處
月蓑衣猶帶野花香

仄 早梅

鄭月山

杖藜行盡幾崔嵬
處處尋梅未見梅
昨夜雪晴山有月
就中描得一枝來

支 筍

何應龍

泥中莫怪出頭遲
歷盡冰霜祇自知
昨夜震雷轟渭畝
請君來看化龍枝

歌 宿西林

虞仲奇

東風和冷護窓紗
睡起晴蜂報晚衙
昨夜池瑋春雨過
半篙新綠浸鳴蛙

○用從來字格

侵 葦居

李涉

負郭依山一逕深
萬竿如束翠沈沈
從來愛物多成癖
辛苦移家為竹林

東 堠子

孫明復

直立亭亭若短峰
界分南北與西東
從來多少迷途者
盡使平趨大道中

尤 七夕

石屏

天上銀蟾曲似鈞
萬家簫鼓響新秋
從來世事多兒戲
不獨人間乞巧樓

先 西亭

李商隱

言格
此夜西亭月正圓。疎簾相伴宿風煙。
梧桐莫更翻。涼露孤鶴從來不得眠。

用夜來字格

刪 寄鄰庄 韓偓

聞說經旬不啓關。藥窓誰伴醉開顏。
夜來雪壓前村竹。刺看溪南幾尺山。

尤 聽鷓鴣 許渾

金谷歌傳第一流。鷓鴣清怨碧雲愁。
夜來記得曾聞處。萬里月明湘水流。

陽 閨怨 高明叔

誤種_子愁著寸觴。而今腸斷奈愁長。
夜來酒醒無眠處。自起移燈看海棠。

支 梅花 蒙齋

惆悵南枝玉雪姿。人生消得幾歡悲。
夜來酒醒_飲寒枕樓上。胡笳抵死吹。

用羊來字格

尤 春樓 盧綸

花正濃時人正愁。逢花却欲_替花羞。
年來笑伴皆歸去。今日晴明獨上樓。

真 春懷 賈秋壑

燕子樓前柳色新。畫眉人遠鏡生塵。
年來羞結空牀夢。閑撥琵琶過却春。

微 暮春 歐陽菴

戀樹殘紅濕不飛。楊花雪落水生衣。
年來百念成灰冷。無語送春春自歸。

刪 觀梅 王秋江

一見冰姿便解頰。教人魂夢憶孤山。
年來心定無閑事。只在林家水月間。

用近來字格

魚 老慵 樂天

豈是交親向我疎。老慵自愛閉門居。
近來漸喜知聞斷。免惱_愁康索報書。

支 孤山雪後 高菊澗

雪後騎驢行步遲。孤山何似灞橋時。
近來行輩無和靖。見說梅花不要詩。

虞 小園 盧梅塲

數畝荒園帶雨鉏。幾年種植費工夫。
近來頗覺生涯富。添得梅花三五株。

灰 斷腸曲 周葵窓

一股金花兩臂釵。雙雙玉筍界香腮。

言梅
近來自覺冰肌瘦，柳綠春衫放寬裁。

○用近來字又格

李仲舟

麻 西湖
湘桃深處五陵家，堤柳陰中百寶車。
多是問桃尋柳客，近來山下少梅花。

庚 感時

陳月軒

平湖萬頃稻秋成，到處喧然頌太平。
桑海誰知浮世改，近來也自少人耕。

虞 田園雜興

范石湖

采菱辛苦廢犁鉏，血指流丹鬼質枯。
無力買田聊種水，近來湖面亦收租。

○用須史字格

東 傀儡

梁鍾

刻木牽絲作老翁，雞皮鶴髮與真同。
須臾弄罷寂無事，還似人生一夢中。

陽 客去

陸放翁

相對蒲團睡味長，主人與客兩相忘。
須臾客去主人覺，一半西牕無夕陽。

灰 除夜

方秋厓

更與梅花把一盃，醉題帖字等春來。

須臾便是明年事，留得寒香一併開。

○用贏得字格

東坡

杖藜裹飯去，忽忽過眼青錢轉手空。
贏得兒童語音好，一半強半在城中。

尤 贈詩僧

方秋厓

從來佛法無多子，底用芒鞋遍九州。
贏得諸人詩滿袖，草深一丈法堂秋。

庚 遣懷

杜牧之

落魄江湖載酒行，楚腰纖細掌中輕。
十年一覺揚州夢，贏得青樓薄倖名。

灰 新燕

吳回

簷角呢喃日幾回，尋巢如待畫簾開。
秋綠不語人間事，贏得年年去復來。

○用無人字格

薰 求趙評事酒

趙竹所

半老情懷睡不禁，小簷霜月當寒燈。
無人來問相如渴，敲碎梅花一夜冰。

陽 祁門道中

馮去非

麥穎垂垂拾已秧，好風晴日燕飛忙。

無人得似遊絲懶相逐。秋千過短牆。

麻 桂花 戴石屏

金谷園林知幾家。競栽桃李作生涯。

無人得似天公巧。巧明月中間種桂花。

无 小樓 施去隱

簾捲疎風入小樓。夕陽御鴈欲西流。

無人細說邊頭事。獨有黃花共晚秋。

用無人字又格

支 溪興 杜荀鶴

山雨溪風捲釣絲。瓦甍篷底獨斟時。

醉來睡著無人喚。喚流下前灘。也不知。

先 醉着 韓偓

萬里清江萬里天。一村桑柘一村煙。

漁翁醉着無人喚。喚過午。醒來雪滿船。

灰 遣興 趙嘏

讀罷殘書弄水。日暮天何處。笛聲哀。

花前獨立無人會。依舊去年雙燕來。

麻 和梅花百咏 王道可

破帽溪橋日又斜。茫茫獨鶴滿林鴉。

些兒心事無人會。歸去巡簷笑問花。

用無人字又格

陽 鄂渚南樓 黃山谷

四顧山光接水光。凭欄十里芰荷香。

清風明月無人管。併作南樓一夜涼。

先 野望 易平湖

雲淡風輕欲雨天。數村桑柘起炊煙。

耕餘黃犢無人管。自上橫坡綠處眠。

侵 武夷權歌 文公

五曲山高雲氣深。長時烟雨暗平林。

林間有客無人識。軟乃聲中萬古心。

无 有感 倪龍輔

好趁西風理釣舟。半生書劍兩悠悠。

凭高有恨無人識。空負關河萬里心。

用無人字又格

灰 華清宮 杜牧

長安回望繡成堆。山頂千門次第開。

一騎紅塵妃子笑。無人知道荔枝來。

寒 公 吳融

四郊飛雪暗雲端。惟此宮中落葉乾。

綠樹碧簷相掩映。無人知道外邊寒。

蕭 深院

孫惟信

深院清明冷。鳳簫梨花寂寂。柳蕭蕭。秋千一架紅牆角。終日無人影。自搖

元 春愁

韋莊

自有春愁正。斷魂不堪芳草思。王孫落花寂寂。黃昏雨。深院無人獨倚門。

○用無入見字格

覃 武夷棹歌

朱文公

四曲東西兩石岩。岩花垂露碧。參差金雞叫罷無人見。月滿空山。水滿潭

陽 豫章溝

劉後村

溝水冷冷草樹香。獨穿支徑入垂楊。藤花滿地無人見。唯見山蜂度短牆

支 曉晴

鄭安晚

石邊橫塘水滿陂。霜風獵獵漾輕澌。斷橋深處無人見。倒浸梅花一兩枝

蕭 歸苕溪

姜白石

細柳穿沙雪半消。吳宮烟冷水迢迢。梅花竹裏無人見。一夜吹香過石橋

○用分字格

蕭 清明

王元之

無花無酒過清明。興味蕭然。一野僧昨夜鄰家乞。新火曉窓分與讀書燈

寒 乞菊

謝無逸

芙蓉狼藉拒霜殘。只有黃花巧耐寒。盈把已供陶令醉。落英分與屈原餐

蕭 送和香

謝幼槃

侯芬新補尉宗傳。霍燥蒼苔短。可憎試炷博山元。不俗小奩分。供在家僧

陽 寬相

正平

殊非海外羅浮樣。亦勝洞庭霜後黃。此實君家能獨有。何時分餉齒牙香

○用我亦字格

真 謝王陰寄丹

伊川

至神通聖藥通靈遠。寄衰翁。濟病身。我亦有丹君信。否用時還解壽斯民

真 與楊通州

文山

仲連義不帝孤秦。萬死逃來住海濱。我亦東隨煙霧去。扶桑影裏看金輪

灰 偶書

王介甫

樓侯老擅關中事長恐諸侯客子來
我亦暮年專一壑只逢車馬便驚猜

陽 四月 陳月觀

惜情濃綠暗林塘底處人家燕子忙
我亦鉤簾靜相對一編周易一爐香

用雖然字格

尤 昭應溫泉 孫叔向

一道泉流繞御溝先皇曾向此中遊
雖然水是無情物也到宮前咽不流

庚 山行 李願齋

身世勞勞厭俗塵閑拖健竹作山行
雖然未結山林願山色於人即有情

寒 芙蓉 盧梅坡

雲袂飄搖翠佩環仙姿綽約紫霞冠
雖然謫在西風裏合作人間小牡丹

支 梅 蒙齋

春到江南第一枝瓊瑤瑤佩列參差
雖然未正花王號衆卉終當北面之

用說與字格

庚 自况 陳后山

當年不嫁惜娉婷傳白施朱作後生
說與旁人須早計隨宜梳洗莫傾城

刪 題屏間 劉李孫

風吹燕語落簷間底事驚回夢裏開
說與旁人都未信杖藜携酒看芝山

先 絕句 黃天谷

半篙春水一蓑煙抱月懷中枕斗眠
說與時人休問我英雄回首即神仙

先 江天晚望 譚成玉

悠然清思渺江天不在眠鷗去鷺邊
說與雲山都不應數聲柔櫓下歸船

用未必字格

支 十日菊 鄭谷

節去蜂愁蝶也知曉庭和露折殘枝
祇緣今日人心別未必秋香一夜衰

真 和張子望觀花 邵康節

造化從來不負人萬般紅紫見天真
滿城車馬空撩亂未必逢春便得春

陽 茉莉菊 潘紫岳

未添東籬一樣黃枝頭碎白傷寒香

誰將茉莉相評品未必蓮花似六郎
陽 冬至 方秋厓

至日觀書不幾行梅梢橫月又昏黃
漢宮紅影無人見未必能添一線長

東 煙波圖 程滄洲
萬頃煙波一釣翁女真心事偶相同
平生我亦輕軒冕分取苔溪半席風

庚 賞燈 王實齋
燈向春頭別樣明雪收山脚十分清
平生怕向花前醉只對江梅不肯醒

侵 春日 姚雪蓬
老為春晴動賞心枯藜緩步柳邊吟
平生性癖耽閑淡不愛繁華愛綠陰

尤 田家 黃魯庵
露積山場稻已收春浮老瓦酒新篘
平生不識離愁味兒女團圓到白頭

元 山村 滕白
種茶岩接紅霞塢灌稻泉生白石根

先 春閨怨 張月山
皤腹老翁眉似雪海棠花下戲兒孫
夜香空裊玉爐煙淚濕紅衫憶去年

寂莫西廂門半掩海棠花下月娟娟

支 京歸道中 蕭冰厓
吟入青山蒼子規煙城夢裏只心知
刺桐花下春風店半壁斜陽十載詩

庚 寄昆弟 蒙齋
兄曰嗟予季遠行關山千里兩關情
揀棠花下春風好何日相携話弟兄

庚 答傅霖 張乖厓
當年失脚下漁磯苦戀清朝未得歸
寄語巢由莫相笑此心不是愛輕肥

寒 中秋看潮 東坡
定知玉兎十分圓已作霜風九月寒
寄語重門休上鉤夜潮留向月中看

微 過蘭溪 楊龜山
風帆斜颭漾晴漪驚起沙鷗掠水飛
寄語從今莫相訝我心隨處自忘機

詩格

廿七

言按
用相逢字格

微 墨梅

陳簡齋

粲粲江南萬玉妃。別來幾度見春歸。
相逢京洛渾依舊。唯恨緇塵染素衣。

東 題靈惠院

東坡

直視無前氣吐虹。五湖三島在胸中。
相逢莫怪不相揖。只見山僧不見公。

真 歸來

吳季高

萬里歸來輦路春。西湖花柳亦精神。
相逢莫怪顏容改。一路風霜老得人。

真 和尹存吾

王秋江

富貴爭馳紫陌塵。飢寒不到耦耕民。
相逢說著忘機處。林下如今信有人。

支 用逢人字格

過襄陽

李涉

方城漢水舊城池。池陵谷依然。世自移。
駐馬獨來尋故事。逢人惟說岷山碑。

陽 田家

黃漱潤

翁携襤褸去。栽秧婦踏縲車。日夜忙。
終歲幾曾身飽暖。逢人猶自說農桑。

文 閨怨

葉苔磯

長安遊子誤歸期。懶織回文錦字詩。
約臂黃金寬一寸。逢人猶道不相思。

用自字格

麻 訪孤山

陳藥房

斷橋斜日岸烏紗。來訪西湖處士家。
鶴骨已仙吟夢冷。半山風月自梅花。

麻 春晴

陳統

瞥然飛過誰家燕。鷺地吹來甚處花。
深院日長無箇事。一瓶春水自煎茶。

麻 訪友人不遇

蒙齋

東風一樹野棠花。籬落蕭蕭故老家。
莫問主人去何處。客來敲火自煎茶。

用若字格

虞 葡萄

昌黎

新莖未遍半猶枯。高架支離倒又扶。
若欲滿盤堆馬乳。莫辭添竹引龍鬚。

真 早春

楊巨源

詩家清景在新春。柳嫩鶯黃綠未勻。
若待上林花似錦。出門皆是看花人。

詩格

世

子

言推 上

東坡

文 贈孫覺 嗟余與子久離群耳冷心灰百不聞

若對青山談世事當須舉白便浮君

歌 送僧雲遊 杖藜挑月入藤蘿城郭塵埃奈爾何

若到名山高着眼洞天深處異人多

用若教字格

齊 魯門泛舟 李太白

水作青龍盤石堤桃花夾岸魯門西

若教月下乘舟去何曾風流到剡溪

尤 小逕 吳融

碍竹妨花一徑幽攀緣應對玉峰頭

若教頂似康莊好便有高車駟馬憂

陽 背面美人圖 韓子蒼

睡起昭陽淡淡粧不知綠底背斜陽

若教轉盼一回首三十六宮無粉光

陽 傀儡 楊大年

鮑老當年笑郭郎笑他舞袖大琅璫

若教鮑老當筵舞轉見琅璫舞袖長

用若使字格

文 讀史 白樂天

周公恐懼流言日王莽謙恭下士時

若使當年身便死至今真偽有誰知

蕙 秋胡子 錢菊友

郎恩葉薄妾冰清郎說黃金妾不磨

若使偶然通一笑半生誰信守孤燈

真 賣花 馮子才

洛陽城裏賣花聲賣得城中幾擔春

若使王孫知稼穡爾花將賣與何人

尤 訪戴圖 來子儀

四山如玉夜光浮一舸玻璃凝不流

若使過門相見了千年風致一時休

用若為字格

東 朝秦觀 陳右山

長缺歸來夜帳空衡陽聞鴈耳偏聰

若為借與春風看無限珠璣咳唾中

歌 戲東坡

紫綬金章不足誇聖君一怒便天涯

若為得似奴夫主日裏耕田夜宿家

陽 次送酒韻 東坡

詩格 七

言格

少年多病怯。孟觴老去方。知此味長。萬斛羈愁都似雪。一壺春酒若為湯。

陽 和沈立之 東坡

臥聞。饒鼓送歸艤。夢裏匆匆共一觴。試問別來愁幾許。春江萬斛若為量。

庚 夜作 晦菴

石樓雲臥對江城。城角吟霜永夜清。料得南枝正愁絕。不堪聞此斷腸聲。

東 和支與可 東坡

漢川脩竹賤如蓬。斤斧何曾赦籜龍。料得清貧饒太守。渭濱千畝在胸中。

尤 昇平詞 王元之

細草煙深暮雨收。牧羊歸去倒騎牛。笛中一曲昇平樂。料得平生不解愁。

蕭 採樵吟 亾名氏

少小留心學採樵。採樵休採嫩枝條。寒崖推倒老松柏。料得三年五載燒。

用安得字格

无 秋日 秦少游

連卷雌蜺掛西樓。逐雨追晴意未休。安得兩粧相向舞。酒酣聊把作纏頭。

灰 遊吉祥寺 東坡

東君意淺着寒梅。千朵深紅未暇培。安得道人殷七七。不論時節遣花開。

用能得字格

先 十六夜月 李建樞

昨夜圓非今夜圓。却疑圓處減嬋娟。一年十二度圓缺。能得幾多時。少年。

尤 答同遊年少 劉鳳崗

老少相從花下遊。少年却為老人愁。回頭說與諸年少。能得幾何人。白頭。

用想得字格

真 思歸 白樂天

邯鄲驛裏逢冬。至抱膝燈前影伴身。想得家中夜深坐。還應說著遠行人。

先 寒食 韓致元

兩重門裏玉堂前。寒食花枝日午天。想得那人垂手立。嬌羞不肯上秋千。

魚 內直 山谷

詩格

人間風日不到處。天上玉堂森寶書。
想得東坡舊居士。揮毫萬斛瀉明珠。

何橘潭

客懷處處不宜秋。秋到梧桐分外愁。
想得故人無字到。鴈聲飛過夕陽樓。

用待得字格

先

栽松

後村

一生著數落人先。白髮栽松却可憐。
待得伏菟堪采掘。此翁久矣作飛仙。

微

雨意

鄭清之

雲頭點地黑如影。雨脚粘天未肯飛。
待得風師來判斷。一齊併作晚涼歸。

刪

居家

何應龍

居家到底勝居官。啼鳥聲中晝掩關。
待得小園花落盡。更須移酒對春山。

寒

晚春苦雨

東風未放曉泥乾。紅藥初開正怯寒。
待得天晴春已去。不如携酒雨中看。

用誰家字格

支

新月

盧多遜

大液池邊看月時。好風吹動萬年枝。
誰家玉匣新開鏡。露出清光些子兒。

豪

新月

曹希蘊

禁鼓初聞第一敲。乍看新月出林梢。
誰家寶鏡新磨出。匣小參差蓋不交。

蕭

早春

姜白石

環玦隨波冷未銷。古苔留雪臥牆腰。
誰家玉笛吹春怨。看見鶯黃柳上條。

尤

樓上觀山

戴石屏

九陌黃塵沒馬頭。人來人去幾時休。
誰家有酒身無事。長對青山不下樓。

用

世事字格

灰

絕句

后山

書當快意讀易盡。客有可人期不來。
世事相違每如此。好懷百歲幾回開。

陽

重九

文山

老來憂患易淒涼。說到悲秋更斷腸。
世事不堪逢九九。休言今日是重陽。

虞

書窓

簡齋

門前柿葉已堪書。弄鏡燒香聊自娛。

世事空明窓暗裏題詩不用着工夫
先 贛灘 徐泉谷

北來快順一篙駛南去間關百丈牽
世事從來盡如此下灘船看上灘船

⊙用底事字格

灰 金陵 盧得龍

水蒼龍古鎖煙蘿熟聽猶聞隱隱雷
底事中原容不得却隨鸞馭過江來

齊 杜鵑 何應龍

君若思歸可便歸故鄉只在錦城西
不知底事留君住却向空山日夜啼

支 漁父 曾南豐

智士旁觀當局迷滄浪釣叟出陳詩
江頭風怒掀篷屋底事全家醉不知

寒 墨竹 陳月觀

玉立蕭蕭竹數竿風枝露葉帶清寒
舊年湖曲人家見底事移來帘上看

⊙用等閑字格

真 春日 朱文公

勝日尋芳泗水濱無邊光景一時新

等閑識得東風面萬紫千紅總是春

尤 垂釣 張渭叟

虹作長竿月作鉤絲綸直下一星流
等閑掣取金鰲去翻動西山四百州

支 對菊 危元吉

忙裏何曾把酒卮一秋心事自東籬
等閑應被西風笑老却黃花未有詩

支 題秋江集 吳節卿

水向天心一段奇和秋領取入詩脾
等閑酒向空江上紅蓼白蘋都是詩

⊙用閑字格

陽 田家 向雪湖

樵罷歸來打麥忙要留舊壤插新秧
老翁八十猶強健閑坐松根說採荒

真 杜鵑 曾山月

錦水萍浮不計春一枝聊寄倦游身
天長翼短無歸處闕把心勸別人

陽 閨怨 許梅屋

月引庭花影上窓悶和簪采臥空床
春寒翠被無人共閑却熏爐一字香

陽 石井亭

嚴華谷

一樹疎桐蔽夕陽也。教客子久彷徨。隔溪可惜誰亭館。閑却竹籬無限涼。

用作字格

刪 長安覽古

張芸叟

黃鵠高飛去不還。百年世事夾棋間。沈香亭畔千株石。散與人家作假山。

陽 九日

崔德符

老頭未易着清香。折取蕭蕭滿把黃。歸去乞錢煩里社。買糕沽酒作重陽。

庚 春暮有懷

陳介卿

新綠衾中倚杖行。殘紅枝上小鶯聲。一團柳絮無拘管。飛入闌亭作晚晴。

尤 西湖

林夢井

山外青山樓外樓。西湖歌舞幾時休。暖風熏得遊人醉。直把杭州作汴州。

用只作字格

寒 飲方園

劉後村

纔入中年會向難。誰知白首此團圓。不妨時駕柴車出。只作初騎竹馬看。

寒 雪中迂新憲

方秋厓

踏碎瓊瑤十里寒。新年纔此試吟鞍。不須更說迎逢惡。只作灞橋詩思看。

寒 雪

方惟深

剪水飛花着地乾。世間顏色比應難。謝家兒女空才思。只作因風柳絮看。

寒 次韻

蒙齋

傳得心燈一穗寒。五臺何必問豐干。寶山莫道空歸去。只作敲門月下看。

用莫作字格

寒 墨梅

方伯謨

玉質亭亭立歲寒。高標本寫固應難。坐令冰雪開生面。莫作人間水墨看。

寒 鴈字

王烈孫

空碧澄秋一幅箋。幾行斜去寫清寒。君王不侈東封事。莫作天書想像看。

寒 春江漁父

一縷絲綸一釣竿。扁舟風暖水漫漫。歸來滿鬢楊花雪。莫作寒江獨釣看。

寒 海棠

王橘林

詩各

上

三

倚靠

杜甫從前著句難紫綸嬌色靠欄干
春風不是開元樣莫作真妃睡起看

○用無情字格

齊 過金陵 韋莊
江雨霏霏江草齊六朝如夢鳥空啼
無情最是臺城柳依舊煙籠十里堤

微 秋閨 王花洲
滿目淒涼只自知閑將心事寄琴徽
無情梁上雙雙燕帶取秋光一半歸

陽 春怨 朱氏
花影重重墨綺窗篆煙飛上枕屏香
無情鶯舌驚春夢喚起愁人對夕陽

○用無消息字格

先 武夷權歌 朱文公
一曲溪邊上釣船幔亭峰影蘸晴川
虹橋一斷無消息萬壑千巖鎖暮烟

麻 閨怨 施芸隱
簾底臨鶯惜歲華鬢雲慵掠寶釵斜
落梅香斷無消息一樹東風屬杏花

豪 寄朱邴 許渾
朱檻烟霜夜坐勞美人南國舊同袍
山長水遠無消息瑤瑟一彈秋月高

○用滿眼字格

陽 代鄰叟 竇鞏
年來七十罷耕桑就煖支羸強下床
滿眼兒孫身外事閑梳白髮對斜陽

東 漁翁 蒙齋
身閑輸與老漁翁罷釣歸來繫短蓬
滿眼秋光無處著斜陽一抹蓼花紅

陽 亡友故居 陳藍山
可憐人世難逃數墻角闌花風自香
滿眼青苔無屐齒一雙飛燕入空堂

微 折梅 葉苔磯
黯淡江天雪欲飛竹籬半掩傍苔磯
清愁滿眼無人識折得梅花獨自歸

○用有幾字格

真 題道觀 鍾離先生
莫怪追歡笑語頻尋思離亂可傷神
等閑屈指從頭數得到清平有幾人

真 送友之鄂 鄭菊山

詩格 七 三十四

言林
湖海聲名落縉紳。由江而鄂。汴。齊。奉。
煩君黃鶴樓頭看。天下英雄有幾人。
真梅下 高拓山

展齒霜泥印曉痕。慙慙來訪臘前春。
對花一笑溪橋側。冷淡相看有幾人。
麻 過永平監 洪盤隱

澤國春寒未見花。一江流水夕陽斜。
我來試上津頭看。問鑄堂邊有幾家。
用幾箇字格

虞 自詠 呂洞賓
獨上高樓望八都。墨雲散盡月輪孤。
茫茫宇宙無人無。數幾箇男兒是丈夫。

寒 贈相士 劉後村
拙貌慙君子。細看鏡中我自覺。神寒
直從杜甫編排起。幾箇吟人作大官。

東 九日 周小溪
人世悲懽自不同。莫將一樣看西風。
今朝憶着茱萸。賜幾箇夔州白髮翁。
蒙齋

刪 浮世 蒙齋
逝水滔滔去莫還。春風秋月老江山。

不知浮世塵埃裏。幾箇閑人落得閑。
用飛上字格

麻 宮人斜 賈鞏
離宮路遠北原斜。生死恩深不到家。
雲雨今歸何處去。黃鸝飛上野棠花。

灰 適越 李紳
傷心欲問前朝事。唯有江流去不回。
日暮東風春草綠。鷓鴣飛上越王臺。

尤 宮怨 韓琮
新粧宜面下朱樓。深鎖春光一院愁。
行到中庭數花朵。蜻蜓飛上玉搔頭。

先 過垂虹 何橘潭
垂虹橋下水連天。一帶青山落照邊。
三十六陂烟浦冷。鷺鷥飛上釣魚船。

侵 浪淘沙 皇甫松
灘頭細草接疎林。浪惡罾船半欲沈。
宿鶯眠鷗非舊浦。向來沙觜是江心。

麻 廢宅 石屏
野桃無主自開花。春草茫茫帶曉鴉。

元 山行 王秋江
幾處敗垣圍廢井向來一一是人家

門前山月尚昏昏喚起山童又出門
山色不移人事改向來山市盡荒村

先 禾鋤石 秋江

荒洲落落水茫然誰把長鑿植岸邊
料想耦耕人已遠向來此地是桑田

用知有字格

微 東園 道潛

曲渚回塘孰與期杖藜終日自忘歸
隔林琴韻聞機杼知有人家住翠微

魚 曉行 晁叔用

老去功名意轉疎獨騎瘦馬取長途
孤村到曉猶燈火知有人家夜讀書

庚 宿田舍 高梅谷

秋滿山房旅夢驚曉星初上雨初晴
隔溪隴畔牛鳴處知有農人趁月耕

麻 田園 范石湖

蝴蝶雙雙入菜花日長無客到田家
雞飛過籬犬吠竇知有行商來賣茶

用本自字格

支 夜愁 胡古潭

聽徹疎鐘又聽雞天涯遊子不眠時
愁來本自無形迹青鏡明朝定得知

灰 睡起 艾笛舩

院竹無人夢自回落紅點點著蒼苔
春愁本自模糊在歷歷子規啼出來

元 新月 武夷道士

鉤似眉如絲莫論些兒光彩破黃昏
蒼昊本自無纖翳剛被姮娥捻一痕

尤 傲香奩體 蔡蒙齋

懶畫娥眉懶上樓天香燒罷放簾鉤
夜長本自難消遣苦被寒蛩叫不休

用慙慙字格

支 海棠 後村

君憶東湖不久歸我思陳迹恍難追
慙慙為報鶯花說只有詩情似舊時

真 春日閑詠 雍陶

風惱花顛不耐貧等閑飛落易愁人
慙慙最是章臺柳一樹千條管領春

言格
[灰] 絕句

陳羽

洞裏春晴。花正開。看花出洞幾時回。
慙慙好去武陵客。莫引世人相逐來。

[寒] 釣臺

僧北墅

自過羊裘七里灘。尋思欲見古人難。
慙慙借問溪邊叟。近有誰來把釣竿。

○用惆悵字格

[寒] 途中

杜牧之

鏡中絲髮梳來少。衣上塵痕拂轉難。
惆悵江湖釣竿手。却遮西日上長安。

[灰] 訪隱者

高駢

落花流水認天台。半醉閑吟獨自來。
惆悵仙翁何處去。滿庭紅杏碧桃開。

[庚] 梨花

東坡

梨花淡白柳深青。柳絮飛時花滿城。
惆悵東欄二株雪。人生看得幾清明。

[東] 過吳江

李雲岩

吳雲粘地日西度。蓴滑鱸肥湖水空。
惆悵李鷹歸去後。世間渾不識秋風。

○用獨立字格

[刪] 寄南遊兄弟

竇鞏

書來未報幾時還。知在三湘五嶺間。
獨立衡門秋水澗。寒鴉飛去日銜山。

[蒸] 絕句

簡齋

只今當代功名手。不數平生粥飯僧。
獨立江風吹短髮。暮雲千里倚峻嶒。

[冬] 獨立

方秋崖

茅茨煙樹水溶溶。籬落人家帶晚春。
獨立西風無一事。自撐短艇看芙蓉。

[侵] 長慶山

吳默庵

草花漠漠水陰陰。苔壑爛斑石徑深。
獨立斜陽誰會得。一聲花裏聽幽禽。

○用歸來字格

[文] 上元侍宴

東坡

老健行穿萬馬群。九衢人散月紛紛。
歸來一點青燈在。猶有傳柑遺細君。

[庚] 韓魏公席上

李師中

願得貔貅十萬兵。犬戎巢穴一時平。
歸來不用封侯印。只問君王覓愛卿。

[庚] 答鍾弱翁

牧童

草鋪橫野六七里。笛弄晚風三四聲。
歸來飽飯黃昏後。不脫蓑衣臥月明。

文 探春

戴益

終日尋春不見春。杖藜踏破幾重雲。
歸來試把梅梢看。春在枝頭已十分。

用歸去字格

寒 與徐兵曹

傅嗣

浦口潮來正淼漫。扁舟搖漾採花難。
春心不愜空歸去。會待潮平試折看。

庚 竹枝詞

李士舉

江上漁舟葉葉輕。峽中雲雨易陰晴。
高樓宴罷客歸去。掛樹夕陽啼鳥聲。

文 春怨

宋次山

正是春光浩蕩時。桃花枝映杏花枝。
秋千日暮人歸去。只有春風弄綵旗。

冬 武夷

秋崖

家在清溪第幾峰。誰牽薜荔採芙蓉。
漁歌未斷忽歸去。翠壁一重雲一重。

用人不字格

咸 東城晚歸

樂天

一條筇杖懸龜榼。雙角吳童控馬街。
晚入東城人不識。短靴低帽白蕉衫。

東 秋夜

竇鞏

護霜雲映月朦朧。烏鵲爭飛井上桐。
夜半酒醒人不寐。一池荷葉動秋風。

微 題岩壑寺

黃順之

巖花得雨新如深。古樹懸崖恠欲飛。
日暮溪深人不渡。一雙白鳥傍林歸。

先 村行

吳履齋

編茆為屋竹為椽。屋上青山屋下泉。
半掩柴門人不見。老牛將犢傍籬邊。

用不管字格

尤 秋懷

李鶴田

尊老吳江一半秋。月砧煙笛幾人愁。
西風不管繁華事。斜日寒蕪燕子樓。

青 戴安道墓

趙山臺

抱得琴歸祇自聽。何心高峒少微星。
雪中不管人回棹。政使敲門未必應。

庚 暮春

趙信菴

三月名園草色青。夢回猶聽賣花聲。

春光不管人憔悴。飛絮紛紛弄晚晴。

〔仄〕月夜舟中

劉小山

晚泊扁舟野水隈。夜深涼月正徘徊。輕風不管蓬間夢。穩送江聲傍枕來。

○用不管字又格

〔歌〕暮春

劉改之

光陰倅倅一飛梭。如許頭顱奈老何。狼藉落花春不管。竹雞啼處雨聲多。

〔文〕秋日

吳仲孚

離離殘日水烟昏。策策西風捲白雲。萬里秋光天不管。蓼花桐葉自平分。

〔陽〕靈湖

于默齋

踏翻紅葉出山莊。兩袖青雲兩履霜。天色正寒人不管。北風籬落早梅香。

〔寒〕晚春

九十春光次第殘。滿城風雨未曾乾。牡丹不屬詩人管。只把茶蘼子細看。

○用不作字格

〔真〕尼院

杜小山

曾是霓裳第一人。曲終認得本來身。

多年不作東風夢。開却薔薇一架春。

〔東〕邱壁

李實夫

一雨一晴春意濃。野花隨分自東風。馬蹄不作山間駐。貪向西湖踏軟紅。

〔真〕贈寫神傳生

魏菊莊

版築翻為被衮身。至今畫像事如新。耳孫不作箕裘夢。却把丹青畫別人。

○用引得字格

〔齊〕溪上春日

陳閱顛

又是一年三月半。綠陰溪上聽黃鸝。家山好住不歸去。引得杜鵑來此啼。

〔仄〕訪梅

蒙齋

誰把柴門傍竹開。隔牆斜倚一枝梅。東風最是多情處。引得騷翁去又來。

〔寒〕吳氏池上

王道可

半畝方塘浸碧瀾。綠窓深鎖曉光寒。主人日日拋香餌。引得遊魚聽拍闌。

○用不堪字格

〔麻〕旅夕

高蟾

風散古陂驚宿鴈。月臨荒戍起啼鴉。

詩格

杜

三十九

言林
不堪吟斷無人見時復寒燈落一花

黃香雲

麻悼復菴主
重憶相携酌絳霞青山松影日初斜

盧綸

陽逢病軍人
行多有病住無糧萬里還鄉未到鄉

張貴

微送人西歸
孤雲獨鳥本無依江海重逢故舊稀

楊柳漸疎蘆葦白不堪斜日送君歸

杜牧之

青宮詞
紅燭秋光冷畫屏輕羅小扇撲流螢

王荊公

支省中
瑤階夜色涼如水卧看牽牛織女星

蔡持正

支夏日
萬事悠悠心自知強顏於世轉參差

陽病告

東坡

公退清閑如致仕酒餘懽適似還鄉

不妨更有安心法卧看縈簾一炷香

夏竦

庚督師
白鹿坡頭百萬兵碧油幢下一書生

東坡

冬湛師房
如今始覺為儒貴臥聽元戎報五更

暮鼓朝鐘自擊撞閉門孤枕對殘缸

白灰旋撥通紅火卧聽蕭蕭雨打窓

先葉靖逸庵
一庵自隱古城邊不是山林不市廛

落月半牕霜滿屋臥聽宰相去朝天

虞宿西門外
寒林殘日欲棲鳥壁裏青燈下有無

小雨愔愔人假寐卧聽疲馬齧殘菊

用早知字格

支讀荆公詩選

林方

喚起鐘山抗劫夫生平事業竟何如

早知詩選堪傳世底用青苗一卷書

詞林

張立齋

三聘慙慙起富春如何一宿便辭君
早知閑却無伸處只在青山卧白雲

寒 釣臺

沈庸齋

山凍江流激素灘羊裘立盡暮雲寒
早知釣餌成虛設多却當時一釣竿

尤 釣臺

陳山泉

不願封侯不事劉桐江獨釣一竿秋
早知物色羊裘急何似和裘莫着休

用一任字格

尤 再過金陵

包幼正

玉樹歌終王氣收鴈行高送石城秋
江山不管興亡事一任斜陽伴客愁

尤 題淮南寺

程明道

南去北來休便休白蘋吹盡楚江頭
道人不是悲秋客一任晚山相對愁

贈張忠定

傅道人

忍把浮名賣却開門前流水對青山
青山不語人無事一任風花自往還

文 曾點

朱文公

春服初成麗景遲步隨流水玩啼漪
微吟緩節歸來晚一任和風拂面吹

用疑是字格

先 廬山瀑布

李太白

日照香爐生紫烟遙看瀑布掛長川
飛流直下三千尺疑是銀河落九天

灰 東門泛舟

日落沙明天倒開波搖石動水縈迴
輕舟泛月尋溪轉疑是山陰雪後來

庚 贈許道人

歐陽公

綠髮青瞳瘦骨輕飄然乘鶴去吹笙
那齋獨坐風生竹疑是孫登長嘯聲

東 蜂蝶

劉後村

蜜口傳來好信通為花評品嫁東風
香鬢粘得花英去疑是纏頭利市紅

用自是字格

東 宮詞

杜牧之

樹頭樹底覓殘紅一斤西飛一片東
自是桃李貪結子錯教人恨五更風

刪 四皓廟

許渾

避秦安漢出藍關松桂花陰滿舊山
自是無人有歸意白雲長在水潺湲

庚 蕭然 王荊公

蕭蕭三月閉柴荆綠葉陰陰忽滿城
自是老來遊興少春風何處不堪行

微 燕 後村

一年一度客天涯春社來來秋社歸
自是畫堂樓止穩不知何事憶烏衣

用自從字格

麻 郵亭 張祐

雲暗山橫日欲斜郵亭下馬對殘花
自從身逐征西府每到花時不在家

庚 哭孟東野 賈島

蘭無香氣鶴無聲哭盡秋天不肯明
自從東野先生死側近雲山得散行

麻 隴西行 陳陶

點虜生擒未有涯黑山雲陣識龍蛇
自從貴主和親後一半胡風似漢家

庚 楊柳 曹東耕

春至風花各自榮就中楊柳最多情

自從初學宮腰舞直至飄綿不老成

用付與字格

微 水墨梅 簡齋

奪得斜枝不放歸倚窓承月有熹微
墨池雪嶺春俱好付與詩人說是非

先 跋子蒼詩 徐師川

夏木陰陰欲放船黃鸝啼了落花天
十詩盡說人間事付與風流葛稚川

庚 立秋 方秋崖

秋日尋詩獨自行藕花香冷水風清
一涼轉覺詩難做付與梧桐夜雨聲

支 夜泊長涯 許梅屋

黃帽貪程夜泊遲市樓燈火散多時
滿懷風月無拘束付與漁翁短笛吹

用多時字格

支 蘇堤 陳藏一

荷邊清露襲人衣風裏明蟾浴曉池
涼影潤香吟不得手攀楊柳立多時

支 牽牛花 姜白石

青花綠葉上踈籬嫋嫋長條竹尾垂

詩格
老覺淡粧差有味滿身花露立多時

支 候訪 徐柏山

囊挑風月叩松扉我有平生未了詩
劇目吟壇高幾許藕花池上立多時

支 暮春 王冽軒

青山是處子規啼費盡騷翁幾首詩
滿架荼蘼開遍了一年春事不多時

用多少字格

真 月桂 李商隱

莫羨仙家有上真仙家暫謫亦千春
月中桂樹高多少試問西河斫樹人

灰 達觀臺 山谷

瘦藤拄到風烟上乞與遊人眼豁開
不知眼界濶多少白鳥去盡青天回

鹽 秋意 宗蘭臺

滿院西風半捲簾
不知今夜涼多少但覺輕裘要索添

支 武夷早行

露濕征衫過武夷
路旁烟樹知多少始見梅花第一枝

用消磨字格

寒 劍池 唐人

劍去池空一水寒遊人來此凭闌干
世間萬事消磨盡只有青山好靜觀

東 追和子由 東坡

洛色從來天地中
風流香宿消磨盡只有青山對病翁

歌 感慨 王秋江

凍雪摧殘老柏柯
他時我輩消磨盡此事誰知感慨多

尤 贈陸君是 蒙齋

觸目關河萬里秋
人生歲月消磨易莫對青山空白頭

用留與字格

先 病中嫁妓 司空曙

萬事傷心在目前
黃金散盡教歌舞留與他人樂少年

先 草 鄭谷

花落平堤簇暖烟
杏輪莫輾青
破留與遊人一醉眠

詩格

陽 曲沼

危元德

曲沼新寒昨夜霜。綠荷無葉蓋鴛鴦。波澄一片明如鏡。留與芙蓉照晚粧。

青 栽松

江州僧

不為栽松待茯苓。只圖山水鎮長青。山僧死後將不去。留與江州作畫屏。

支 梅

後村

籬邊屋角立多時。試為騷人拾棄遺。不信西湖高士死。梅花寂寞便無詩。

微 蠶婦吟

謝疊山

子規啼徹四更時。起視蚕稠怕葉稀。不信樓頭楊柳月。玉人歌舞未曾歸。

刑 桂花寄王道可

蓮如君子甘離世。菊似逸民難出山。不信衆芳俱寂寞。天香流出滿人間。

寒 寶應縣

雍陶

雪樓當日動晴寒。渭水梁山鳥外看。聞說德宗曾到此。吟詩不敢倚闌干。

寒 流紅記

陳石窓

春明門外御溝寒。紅葉隨流意自閑。聞說六宮無可怨。肯將詩句落人間。

庚 上邑宰

石屏

老農鼓腹山由熟。夜犬不驚霜月明。聞說畫簾無一事。邑人長聽讀書聲。

用不覺字格

微 一逕

張蒙泉

相忘來此又忘歸。竹瘦苔深一逕微。不覺樹梢藏宿雨。輕風吹落濕人衣。

虞 長至

湖古潭

一縷沈煙起太虛。生生意思看熏爐。坐來不覺東方白。親受濂溪太極圖。

蕭 春遊

趙信菴

一抹輕烟隔小橋。新篁搖翠兩三梢。惜春不覺歸來晚。花壓重門帶月敲。

寒 漁翁

盧溪

江水磨銅鏡。樣寒釣漁人在蓼花灣。回頭貪看初生月。不覺竹竿流下灘。

用別有字格

侵 漁父

趙東閣

東風西日楚江深。一片苔磯萬柳陰。別有風流難畫處。綠萍身世白鷗心。

寒 白牡丹

裴璘

長安豪貴惜春殘。爭賞新開紫牡丹。別有玉盤承露冷。無人起向月中看。

仄 花上金鈴

蕭冰崖

搖曳金鈴日幾回。不教紅紫委蒼苔。誰知烏鵲驚飛去。別有野鹿來。

先 武夷棹歌

文公

九曲將窮眼豁然。桑麻雨露露平川。漁郎愛覓桃源路。除是人間別有天。

○用儘教字格

麻 九日

呂耐軒

回頭往事如楓葉。入眼高人似菊花。但有東籬佳興在。儘教無酒不須除。

陽 宮詞

武朝宗

梨花風動玉蘭香。春色沈沈鎖建章。唯有落紅官不禁。儘教飛舞出宮牆。

虞 退筆

許梅屋

中書君已不中書。推鈍無心費指呼。別有管城堪任使。儘教罵作筆頭奴。

東 吟梅

蒙齋

山園無事日過從。詩在吟驢風雪中。歸路梅花成擔束。儘教人喚作花翁。

○用讀易字格

庚 夜景

魏鶴山

遠鐘入枕迤新晴。衾鐵稜稜夢未成。起傍梅花讀周易。一窓明月四簷聲。

支 暮春

葉平崑

雙雙瓦雀行書案。點點楊花入硯池。閑坐小牕讀周易。不知春去已多時。

麻 紙帳

謝疊山

一床玉雪瑩無瑕。爐有生香鼎有茶。夜半起來讀周易。好看明月透梅花。

庚 有感

蔡蒙齋

桑田滄海從來有。茅屋青山是事輕。獨坐小牕閑讀易。綠楊陰裏一蟬鳴。

○用恨字格

刪 釣臺

石屏

寺各

上

四十五

萬事無心一釣竿。公不換此江山。
平生恨識劉文叔。惹得虛名滿世間。

支 贈徐菊巖 疊山

屈子揆余初度。兮淵明天命復奚疑。
黃花莫恨清香晚。秋菊春蘭各有時。

大 閨怨 彭文蘭

乳燕聲中滿眼春。淚痕凝濕縷金裙。
妾心只恨君歸晚。不恨當初錯嫁君。

微 春晚 宋梅澗

小麥收花大麥肥。雨晴溪女賣桑歸。
遊人莫恨鶯聲老。漸有新絲到夏衣。

用夢字格

庚 夏意 蕪子美

別院深深夏簟清。石榴開遍透簾明。
樹陰滿地日亭午。夢覺流鶯時一聲。

魚 夢中 劉後村

父兄誨我髭鬚。初老不成名。鬢髮踈。
紙帳鐵檠風雪夜。夢中猶讀小時書。

麻 晚春 嚴荦谷

生平得意在烟霞。失脚黃塵負歲華。

過了海棠。渾不省夢中猶自詠梅花。

麻 醉眠 漁野

西風撼撼舞蒹葭。更着波聲拍岸沙。
篷底醉眠舟蕩漾。夢魂一夜泊蘆花。

用夢字又格

灰 謝萊公見訪 魏清逸

晝睡方濃向竹齋。柴門日午尚慵開。
驚回一覺遊仙夢。村巷傳呼宰相來。

陽 晚春 石屏

池塘渴雨蛙聲少。庭院無人燕語長。
午枕不成春草夢。落花風靜煮茶香。

東 閨怨 范月佳

黃雞白兔幾西東。井底銀屏事已空。
昨夜相思不成夢。小窓紅燭五更風。

麻 晚春 沈庸齋

白頭何計是生涯。日日樽前卧落花。
綠滿池塘無一夢。夜來風雨過誰家。

用坊字格

虞 寄子瞻 蕪子由

誰將家集過幽都。每被行人問大蘇。

詩格

莫把文章動蠻貊恐妨談笑卧江湖
麻 寄人 後村

老携詩卷入京華寬店先須近酒家
白髮但能妨進取未妨痛飲插梅花

寒 小園 秋厓

東風搖翠兩松寒上有金沙錦作團
儘放花枝過墻去不妨分與路人看

灰 嘗茶 秦少游

北牕高枕軒如雷誰遣茶香挽夢回
綠液玉甌雪花乳不妨也道入闌來

○用奈何字格

歌 扇 東坡

團扇經秋似敗荷丹青髻舊松蘿
一時用舍非吾事舉世炎涼奈爾何

歌 客裏 王克功

韶華客裏一番老自嘆此生行路多
獨上危樓望鄉國闌干倚遍奈愁何

歌 梅花 秋厓

雪壓橫枝卧淺波三花五葉不須多
平生為爾牽詩興今日無詩奈爾何

歌 采芹亭 前人

手劖風煙不占多春來物物是陽和
極知山與詩為地老去無詩奈若何

○用誰知字格

灰 楊妃襪 曾蒼山

萬騎西行駐馬嵬凌波曾此墜塵埃
誰知一掬香羅小踏轉開元宇宙來

庚 明皇按舞圖 沈悅堂

坐看霓裳舞袖輕安危機軸自分明
誰知一片笙歌裏已有漁陽鼙鼓聲

歌 觀潮 王約齋

排海潮頭激怒鼉爭拏維揖拒風波
誰知世路平如掌似此風波更自多

侵 絕句 黎師俱

門外紅塵尺許深兒童抵死競浮沈
誰知一寸茅簷地天付閑人直萬金

○用誰知字格

灰 看花 雍陶

山桃野杏兩三栽樹樹繁花去後開
今日主人相引看誰知曾是客移來

詩格

尤 月字

劉參玄

脩眉空自向天淨。纔度微雲鏡。便收方寸一輪無。晦食誰知夜夜是中秋。

侵 所見

徐懼鶴

夜深相伴一燈青。強把唐詩帶醉吟。人立櫻桃花樹月。誰知春在瑣窓深。

豪 上元

王懼軒

元宵燈火費評料。鬪巧爭妍照綺釐。官府只知行樂事。誰知點點是民膏。

用能字格

尤 吳門懷古

陳鏡湖

楓葉飄零滿眼秋。五湖煙濶水悠悠。不知范蠡舟能大。載得吳王一國愁。

麻 京城花價廉

徐意一

姚魏從來浴下誇。千金不惜買繁華。今年底事花能賤。緣是宮中不賞花。

庚 秋霖

韓渥

垂老何時見弟兄。背燈悲泣到天明。不知短髮能多少。一滴秋霖白一莖。

陽 木犀

楊誠齋

雪花四出剪鵝黃。金粟千瓊糝露囊。枝上看來能幾大。如何着得許多香。

用唯有字格

蕭 懷馮秀才

杜牧

長洲苑外草蕭蕭。却算郵程歲月遙。唯有別時長記得。暮烟秋雨過楓橋。

微 別南溪

李涉

如雲不厭蒼梧遠。似鴈逢春又北飛。唯有隱溪溪上月。年年相望兩依依。

庚 天津感事

康節

前朝無限貴公卿。後世徒能記姓名。唯有天津橋下水。年年只作一般聲。

仄 訪陳蓮湖

林筆峯

幾回屐齒印蒼苔。惹得空山猿鶴猜。唯有蓮花知道味。年年不厭野人來。

用唯有字又格

先 送別

左緯

騎馬出門三月暮。楊花無賴雪漫天。客情唯有夜難過。宿處先尋無杜鵑。

微 悼故

劉商

詩格

北

四十八

言
虛室無人乳燕飛蒼苔滿地屐痕稀
庭前唯有薔薇在花似殘粧葉似衣
寒 使至驛 昌黎

風光欲動別長安春半邊城特地寒
不見園桃并巷柳馬頭唯有月團團
支 古檜 東坡

凜然相對敢相欺直幹凌雲未要奇
根到九泉無曲處世間唯有螫龍知
○用唯有字又格

庚 賞春 羅鄴
芳草和烟暖更青開門要地一時生
年年點檢人間事唯有東風不世情

侵 曠黑 韓偓
古木侵天日已沈沈露華涼冷潤衣襟
江城曠黑人行絕唯有啼鳥伴夜砧

微 初夏 范石湖
梅子金黃杏子肥麥花雪白菜花稀
日長籬落無人過唯有蜻蜓蛺蝶飛

豪 晚對 宋壺山
晚對晴霞瀉濁醪茫茫天地幾英豪

○用猶有字格
江聲流恨無今古唯有青山不語高

真 石崇 唐人
金谷繁華石季倫祗能謀富不謀身
當時縱與綠珠去猶有無窮歌舞人

陽 春行 許元沐
燕子啣春過野堂東風吹暖水芹香
殘紅未忍全銷歇猶有曉脂在海棠

麻 初夏 趙恥齋
靜對遺編到日斜好風時度竹交加
開牕渾未知春去猶有薔薇滿架花

真 發通州 文山
白骨叢中過一春東將入海避風塵
姓名變盡形容改猶有天涯相識人

○用猶有字又格
先 慈湖峽 東坡
此生歸路覺茫然無數青山水拍天
猶有小舟來賣餅喜聞墟落在山前

東 西湖晚景 蒙齋
斷橋斜日已沈紅十里荷花淡月籠

詩格 七 四乙

猶有漁翁未歸去小舟撐出碧灣中

庚 過華清 李約

君王遊樂萬幾輕一曲霓裳四海兵

玉輦升天人已盡故宮猶有樹長生

麻 尋仙 張籍

沿溪一徑入青霞處處仙居隔杏花

更見峰頭人說道雲中猶有兩三家

○用偷字格

先 偶成 明道

雲淡風輕近午天望花隨柳過前川

旁人不識余心樂將謂偷閑學少年

支 次周輔韻 陳亞

昔賢自是堪加罪非敢言君愛竊詞

已耐古人無意智預先偷于一聯詩

陽 餘醺 山谷

漢宮嬌額半塗黃肌骨濃熏斑馬香

日色漸遲風力細倚欄偷舞白霓裳

新刊唐宋千家聯珠詩格上冊

新刊唐宋千家聯珠詩格卷下目錄

用從今字 用不敢字

用不得字 用不為字

用從教字 用賴字

用賴字又 用無賴字

用一聲字 用一聲字又

用一樣字 用一樣字又

用一夜字 用憑君字

用無心字 用無限字

用何曾字 用何處字

用何處字又 用可是字

用舊時字 用依舊字

用依舊字又 用不字

用不須字 用不須字又

用不記字 用不識字

用不知字 用不知字又

用不知字又 用不知字又

用不似字 用不如字

用不解字 用不與字

用不及字 用不道字

詩格 目錄

用不曾字

用不然字

用只合字

用畢竟字

用只恐字

用只恐字又

用只欠字

用只在字

用只有字

用只有字又

用只字

用好是字

用正是字

用便是字

用知是字

用誰是字

用不是字

用不是字又

用不見字

用見字

用正字

用更字

用更字又

用却字

用却字又

用却字又

用和字

用將字

用將字又

用倚字

用若見字

用惟見字

用認字

用到字

用到字又

用不到字

用入不到字

用直字

用懶字

用嫌字

用者字

用者字又

用耳字

用空字

用情字

用伴字

用伴字又

用共字

用上字

用上字又

用看字

用看字又

用吟字

用欠字

用本字

用打字

用似字

用畫圖字

用箇字

用慣字

用被字

用故字

用屬字

用曾字

用笑字

用占字

用可字

用誤字

用誤字又

用留得字

用事字

用須字

用當字

用管字

用麼字

用也字

用生字

用掃字

用縱字

用錯字

用學字	用些字
用枉字	用借字
用識字	用記字
用無字	用留字
用了字	用不用字
用不用字	用分付字
用老子字	用道人字
用元不字	用怕有字
用那有字	用偶然字
用剗地字	用幾回字
用勝字	用勝字
用十年字	用十年字
用辜負字	用兩自字
用為有字	用時有字
用為字	用兩為字
用兩負字	用半是字
用兩半字	用兩又字
用見不見字	用拆開重字
用拆開風吹字	用風吹字
用拆開待歸字	用拆開會意字

用拆開無處字	用想應字
用在第幾字	用在字
用在字又	用兩在字
用至今字	用古人全句
又用古人語	又騷
時人姓名	自述名號
言用不言名	地名
紀歲月	宮帖寓諷切意
押無字韻	就有字押無韻
用前身字	用後身字

新刊唐宋千家聯珠詩格卷下目錄終																							
-----------------	--	--	--	--	--	--	--	--	--	--	--	--	--	--	--	--	--	--	--	--	--	--	--

新刊唐宋千家聯珠詩格卷下

番易默齋于濟 德夫

建安蒙齋蔡正孫粹然 編集

卷之十一 用從今字格

灰 絕句 杜工部

門外鷓鴣久不來，沁頭忽見眼相猜。
從今已後知人意，一日須來一百回。

支 次韵 陳簡齋

風雨門前十日泥，荒塔相伴只筇枝。
從今老子都無事，落盡閑花不賦詩。

豪 希夷睡圖 潘紫岩

夾馬營中紫氣高，屬猪人已著黃袍。
從今天下都無事，可是山中睡得牢。

用不敢字格

真 閨恨 于鵠

悶向江頭采白蘋，開隨女伴賽江神。
衆中不敢分明說，暗擲金錢卜遠人。

豪 九日食糕 宋子京

鷓館輕霜拂曙袍，糝糝花飲闕分曹。
劉郎不敢題糕字，空負詩中一世豪。

陽 桂花

鄧志宏

雨過西風作晚涼。連雲老翠出新黃。清芬一日來天闕。世上龍涎不敢香。

元 宮詞

朱慶餘

寂寂花時閉院門。美人相並立黃昏。含情欲說宮中事。鸚鵡前頭不敢言。

○用不得字格

寒 夜直

荊公

金爐香燼漏聲殘。剪剪輕風陣陣寒。春色惱人眠不得。月移花影上闌干。

刪 梅

周南峰

玲瓏冷蕊冰霜底。的皜寒梢水石間。惱殺詩人吟不得。夢隨烟雨繞孤山。

麻 蝶

僧別舸

昔曾栩栩入南華。野性如人懶泊家。每向東風憐薄命。一生不得近梅花。

陽 歲旦

成文幹

戴星先捧祝堯觴。鏡裏堪驚兩鬢霜。好是燈前偷笑屠蘇應不得。先嘗。

○用不為字格

東 秋下荊門

太白

霜落荊門秋樹空。布帆無恙挂秋風。此行不為鱸魚膾。自愛名山入剡中。

先 呈孫莘老

山谷

九陌黃塵烏帽底。五湖春水白鷗前。扁舟不為鱸魚美。收取聲名四十年。

支 廬山瀑布

東坡

帝遣銀河一派垂。古來惟有謫仙詞。飛流濺沫知多少。不為徐凝洗惡詩。

尤 湖邊

趙野雲

西子湖邊冷欲秋。暮烟遮斷小紅樓。芭蕉自作抽書樣。不為行人寄短愁。

○用從教字格

歌 憶飲

東坡

綠蟻頻斟不厭多。怕羅輕軟襯金荷。從教美酒春衫澆。別有風流上眼波。

微 篙水濺妓女

裴慶餘

滿額鵝黃金。縷衣翠翹浮動玉釵垂。從教水濺羅裙濕。知是巫山行雨歸。

○用免教字格

詩格

下

二

言水

麻 九日

徐淵子

衰容不似秋容好，坐上誰憐老孟嘉。
牢裹烏巾莫吹却，免教白髮見黃花。

陽 訪僧滄茗而去 蒙齋

西風一路稻花香，挑得詩囊到上方。
罽罷盃茶各歸去，免教人道老僧忙。

用賴字格

寒 寄陳時應 于革

俗情險澁千層浪，時事危危百尺竿。
賴有西窓書一架，暖風晴日閉門看。

尤 行色

司馬池

冷於陂水淡於秋，遠陌初窮又渡頭。
賴是丹青不能畫，畫成應遣一生愁。

灰 畫山水

東坡

山人昔與雲俱出，俗駕今隨水不回。
賴我胸中存佳處，一樽時對畫圖開。

真 紅梅

楊平洲

誰將醉裏春風面，換却平生玉雪身。
賴得月明留瘦影，苦心香骨見天真。

用賴字又格

豪 降真峰

周南峰

萬里雄膽氣勢豪，一峰頂住白雲高。
人寰正在風波底，賴得東南鍊柱牢。

陽 顏樂齋

羅豫章

山深嵐光帶日黃，蕭然茅屋枕橫塘。
自知寡與真堪笑，賴有顏歌一味長。

用無賴字格

尤 憶揚州

徐凝

蕭娘臉下難勝淚，桃葉眉頭易得愁。
天下三分明月夜，二分無賴是揚州。

麻 西湖

蒙齋

西湖十里岸橫斜，穩踏青鞋步軟沙。
見著征衫便沾惹，春風無賴是揚州。

用一聲字格

陽 有感

趙信菴

風竹蕭蕭梧葉黃，相思寸寸斷人腸。
一聲塞管來何處，鴈帶秋雲入故鄉。

尤 月笛

萬里關山桂影秋，何人橫玉倚高樓。
一聲吹入廣寒殿，自有知音在上頭。

詩格

下

三

陽春書

趙彥範

古鼎燒却心字香困來携枕卧藤床
一聲帝鳥破幽夢花影滿簾春晝長

侵秋日

僧荆山

竹逕依依日半陰涼風吹暮碧雲深
一聲樵笛長橋外不入禪心入客心

用一聲字又格

先西湖

陳億子

望湖樓下水淨天揚柳堆煙不礙船
橫笛一聲山水綠夕陽正在斷橋邊

文晚鐘

趙福元

花洲人別月涼船寒寺鯨音隔岸聞
帶雨一聲天外落過江穿破半山雲

東西江晚泊

趙嘏

茫茫靄靄失西東柳浦桑村處處同
戍鼓一聲帆影盡水禽飛起夕陽中

文天台道中

石屏

滿川梨雪照斜曛野水交流路不分
隔岸一聲牛背笛和風吹落渡頭雲

用一樣字格

東金陵

蘇洞

朱雀街頭觀闕紅角門東畔是春風
人家一樣垂楊柳種入宮牆便不同

東寒夜

杜小山

寒夜客來茶當酒竹爐湯沸火初紅
尋常一樣窓前月纔有梅花便不同

東梅花

蒙齋

踏雪歸來和凍折疎枝淺浸膽瓶中
窓前一樣梅花月添箇詩人又不同

用一樣字又格

寒謝人牡丹

方秋崖

手斲蒼苔玉一闌山家初見眼猶寒
移根莫厭凡紅紫只做春風一樣看

寒秦村午炊

孫花翁

飯熟羹香客夢殘秦村山水樹陰寒
古今一樣那鄆枕覺後人纔作夢看

寒贈秋鑑相士

揭三雲

湛湛矚光秋水寒物隨妍醜影千般
歷山耕叟烏江鬼難把重瞳一樣看

庚書院

劉改之

雪屋彈琴泛作聲。寂無入語紙窗明。
倦遊識破諸緣妄。心與梅花一樣清。

寒 贈山人 蒙齋

踏破芒鞋。陟翠巒。松楸深護。白雲寒。
煩君高著觀山眼。莫把貪廉一樣看。

○用一夜字格

蕭 雨 杜牧

連雲接塞添迢遞。酒幕侵燈送寂寥。
一夜不眠孤客耳。主人窗外有芭蕉。

刪 梅花 黃穀城

玉簫吹徹北樓寒。野月崢嶸動萬山。
一夜霜清不成夢。起來春信入人間。

元 雪夜 高疎寮

舍南舍北雪猶存。山外斜陽不到門。
一夜冷光清入夢。野梅千樹月明村。

寒 冬來 張谷山

冬來不覺有星寒。山未全癯儘耐看。
一夜輕霜著楓葉。曉來淺浸半溪丹。

○用憑君字格

真 獵騎 杜牧

已落霜。雕血尚新。鳴鞭走馬。又翻身。
憑君莫射南來鴈。恐有家書寄遠人。

虞 已亥歲 曹杜

澤國江山入戰圖。生民何計樂樵漁。
憑君莫話封侯事。一將功成萬骨枯。

庚 約食河豚 張安國

解事吾家老步兵。却因鱸膾便知名。
憑君只問河豚信。已報春洲荻笋生。

麻 思歸 王克功

古柳枝頭啼暮鴉。清明時節又天涯。
憑君試問桃和李。老却春風幾度花。

○用無心字格

支 玉潤絕句 朱文公

獨抱瑤琴過玉溪。琅然清夜月明時。
只今已是無心久。却怕山前荷蕢知。

支 海棠 江子我

萬里橋西老拾遺。兵戈流涕念時危。
海棠雖好無心看。正自悲吟病橘詩。

麻 春閨怨 蒙齋

睡起房櫳掩碧紗。烏雲不整寶釵斜。

一床紋索無心理捲上珠簾看落花

麻九日 趙鈞月

屐齒聯翩印淺沙山空月落帽簷斜
西風昨日催黃葉秋亦無心在菊花

用無限字格

麻自詠 呂洞賓

太一宮前是我家琴書滿架即生涯
終朝帶酒不歸去落盡碧桃無限花

尤寄熊秋堂 鄭亦山

醉踏青山憶舊遊兩年流落古杭州
夢隨雲影忽飛去石上薜花無限秋

麻經舊寓 徐臞鶴

一徑縈紆曲似蛇綠陰深處野人家
金門鎖斷東風老落盡薔薇無限花

尤醉曹侍郎 柳子厚

破額山前碧玉流騷人遙駐木蘭舟
春風無限相思意欲採蘋花不自由

用何曾字格

元遜軒 東坡

冠蓋相望起隱倫先生那得老江村

古來真遜何曾遜笑殺踰垣與閉門

灰雪竹 蒙齋

竹遠寒階手自栽萬竿雪壓勢如摧
世間真直何曾見一路橫梢碍往來

真答韋丹 僧靈徹

牟老心閑無外事麻衣草座亦安身
相逢盡道休官去林下何曾見一人

真橘 亾姓氏

憶昔高山四皓民一雙橘裏寄閒身
如今擘盡黃金顆到底何曾見一人

用何處字格

東雨中怨秋 楊憑

辭家遠客愴秋風千里寒雲接斷蓬
日暮隔山投古寺鐘聲何處雨濛濛

咸江邊即事 何應龍

一江春水碧於藍船趁潮來不上帆
渡口酒家賒不得問人何處典春衫

歌送章貢黃月山遊廬山

衣穿廬阜青千朵屋鎖崆峒翠一窩

周文郁

不識清吟過夜半。兩山何處月明多。
文 遊洞庭 李白

洞庭西望楚江分。水盡南天不見雲。
日落長沙秋色遠。不知何處弔湘君。
○用何處字又格

陸龜蒙

蒸 贈老僧 陸龜蒙
枯貌自同霜裏木。餘生唯指佛前燈。
少時寫得坐禪影。今見問人何處僧。

侵 失鶴

養汝由來歲月深。籠開不見意沈沈。
想應只在秋江上。明月蘆花何處尋。
灰 回鄉 黃拱

幼小離家老大回。鄉音無改鬢毛衰。
兒童相見不相識。却問客從何處來。
卷之十二

○用可是字格

林龍門

徽 晚坐 林龍門
隱隱鐘聲出翠微。上方樓閣倚斜暉。
嶺雲可是無拘束。猶向山僧歸後歸。
刪 嚴子陵 劉隨如

漢業重恢百戰間。君王側席嘆才難。
畫堂可是擎天手。肯放桐江把釣竿。
麻 買桂花 周端臣

拌却杖頭沽酒物。湖邊博得木犀花。
西風可是無拘束。一路吹香直到家。
○用舊時字格

劉禹錫

麻 烏衣巷 劉禹錫
朱雀橋邊野草花。烏衣巷口夕陽斜。
舊時王謝堂前燕。飛入尋常百姓家。
真 還家 嚴華谷

萬屋煙銷撲面塵。還家何處訪情親。
舊時巷陌都忘記。却問新移來住人。
灰 石頭城 劉禹錫

山圍故國周遭在。潮打空城寂寞歸。
淮水東邊舊時月。夜深還過女牆來。
歌 西湖 傅珪谷

快風吹斷采菱歌。自在荷花醉暈醅。
山水中間舊時月。如今梅影已無多。
○用依舊字格

歌 水口行舟 朱文公

昨夜扁舟雨一蓑。滿江風浪夜如何。曉來試揭孤篷看，依舊青山綠樹多。

佳 宮詞 高菊澗

鬪草歸來上玉階。香塵微澗合歡鞋。全籌贏得無人賞，依舊春愁自滿懷。

寒 春晴 王篠窓

簷影重重壓小闌。綠楊烟淨雨痕乾。去年巢燕還來否，依舊東風帶曉寒。

齊 還自京 蒙齋

百技蹒跚笑跛奚。書囊收拾賦歸兮。還家拾點青氈物，依舊清風竹滿蹊。

用依舊字，又格

陽 弔海月師 東坡

欲尋遺迹強沾裳。本自無生可得亡。今夜生公講堂，月滿庭依舊冷如霜。

青 春嘆 黃子方

堂堂春事漸凋零。浪蕊浮花不暫停。唯有石橋堤畔水，年年依舊鴨頭香。

尤 書懷 陳龜峰

可憐玉帳幾韓劉。收拾關山不到頭。

青 草黃雲江北岸。鴈聲依舊送邊愁。

尤 紀遊 鄭南谷

拆桐花外小紅樓。往事空堪著醉眸。巢燕不來歌舞歇，夕陽依舊在藤鉤。

用不字格

文 贈和嶺僧 韋瞻

商嶺東西路欲分。兩間茅屋一溪雲。師云耳重知師意，人非不願聞。

寒 談命蘇秦 方秋厓

一蓑牛背飽看山。扣角前崗煙雨寒。客自縱橫三寸舌，與吾煙雨不相干。

真 詩貧

去歲貧猶未十分。今年方是十分貧。因詩撰得貧方好，只訴梅花不訴人。

文 兵後社日無酒 蒙齋

社日東鄰共割烹。盃羹簞食薦慙慙。寺言莫送治豐酒，世事年來不願聞。

用不須字格

元 放魚 寶鞏

金錢免得校人烹。聞道禽魚亦感恩。

詩格

好去長江千萬里不須辛苦上龍門

真竹閣 東坡

柏堂南畔竹如雲此閣何人是主人

但遣先生披鶴氅不須更画樂天真

真談詩 湯東澗

文章於道未為尊詩在文章又一塵

偶有好音來過耳不須抵死要驚人

先盆荷 僧居簡

萍粘古瓦水涵天數葉田田貼小錢

林大從來無用處不須十丈藕如船

用不須字又格

寒雪中迓新憲 秋厓

踏破瓊瑤十里寒新年纔此試吟鞍

不須苦說逢迎惡只作灞橋詩思看

青星夕會友 蒙齋

左界浮雲含淺清娟娟涼月浸虛亭

不須苦問牛和女且看今宵聚德星

真三月晦日 賈島

三月正當三十日風光別我苦吟身

勸君今夜不須睡未到曉鐘猶是春

文寄趙如心 謝疊山

天下英雄寧幾人滿陵誰識故將軍

人情世態不須問携酒芝山看白雲

用不記字格

先西菴 鮑鰲川

隔澗西菴又幾年一樽健倒暮雲前

半宵不記山中睡忽有松聲到枕邊

侵寒食 趙退菴

蒲色青青柳色沈今年寒食去年心

醉來不記關河夢道上飛花一膝深

麻西歸 黃白石

暴富池塘已吠蛙犬新楊柳未藏鴉

客中不記春深淺寂歷疎桐墜晚花

寒次韻 方秋厓

把住新花做好看傷春時共倚闌干

醉中不記暮烟碧楊柳樓深燕子寒

用不識字格

先偶成 程明道

雲淡風輕近午天望花隨柳過前川

旁人不識余心樂將謂偷閑學小年

元 宮怨

杜牧之

學拂蛾眉獨出群。當時人道便承恩。一生不識君王面。花落黃昏空掩門。

支 牧笛

左琴屋

不帶梅花塞曲悲。調聲清古似桓伊。平生不識關山面。牛背斜陽任意吹。

元 村居

獨木為橋過小村。幾竿脩竹護朱門。白頭不識公侯事。閑把牛經教子孫。

○用不知字格

庚 詠史

胡曾

祖舜宗堯自太平。秦皇何事苦蒼生。不知禍起蕭牆內。虛築防胡萬里城。

庚 上萊公

侍兒舊桃

一曲清歌一束綾。美人猶自意嫌輕。不知織女寒窓下。幾度拋梭織得成。

齊 杜鵑

何應龍

君若思歸可便歸。故鄉只在錦江西。不知何事留君住。却向空山日夜啼。

陽 訪僧不遇

蒙齋

挑得詩囊到上方。柴門空掩竹間房。不知何處眠雲石。閑却熏爐一炷香。

○用不知字又格

微 絕句

鄭仲賢

江雲薄薄日斜暉。江館蕭條獨掩扉。梁燕不知人事改。雨中猶作一雙飛。

虞 酒醒

陸龜蒙

幾年無事傍江湖。醉倒黃公舊酒壚。覺後不知新月上。滿身花影倩人扶。

陽 到南昌

戴石屏

扁舟幾度到南昌。東望家山道路長。醉裏不知身是客。故人多處即吾鄉。

灰 夜涼

徐四靈

夜涼扶杖出山齋。身似孤雲倚石崖。吟斷不知山月曉。清風滿面落松釵。

○用不知字又格

灰 題西陽嶺

葉石軒

杜鵑啼處花成血。燕子來時麥未胎。舉世但知春易老。不知春老幾人來。

庚 畫鳩

吳菊潭

言林
可憐一拙誤平生。天闢林高失去程。
自卷舌來。栖立穩。不知淨世幾陰晴。
元梅 徐抱獨

孤山處士風流遠。招得梅花枝上魂。
疎影暗香猶昨日。不知人世幾黃昏。
麻 宿湖上 胡柏岩

青燈明滅月穿紗。香夢初回落杏花。
門外啼鶻天寂寂。不知身在羽人家。
用不知字又格

對花有感 陶弼
得莫欣欣。失莫悲。古今人事若花枝。
桃紅李白薔薇紫。問着東風總不知。

支 溪興 杜荀鶴
山雨溪風卷釣絲。瓦甕篷底獨斟時。
醉來睡着無人喚。流下前灘也不知。

支 鍾山 王荊公
偶向松關覓舊題。野人休誦北山移。
丈夫出處非無意。猿鶴從來自不知。

支 山中偶成 蔡伯靜
遠種青松杳翠微。忍看紅紫亂飛時。

白雲萬頃山阿靜。春去春來總不知。
用不似字格

先 越山 王潛齋
近覺於山轉有緣。南來占住越峰邊。
出門枉踏黃塵路。不似與山相對眠。

先 漁父詞 方秋厓
沽酒歸來雪滿船。一蓑撐傍斷磯邊。
誰家庭院無梅看。不似江村欲暮天。

真 凌雲峰 王秋江
霞佩翩翩出相門。凌雲峰下去修真。
可憐偃月堂中老。不似深閨一婦人。

東 昭德觀柏
老柏亭亭黛色同。分明四柱直凌空。
孔明千載功臣。庶不似仙家雨露濃。

用不如字格
真 聞鶻 杜荀鶴
楚天空濶月成輪。蜀魂聲聲似訴人。
啼得血流無用處。不如絨口過殘春。

東 落梅 鄭月山
夜來幾陣隔窓風。便恐明朝已掃空。

點在青苔真可惜不如吹入酒盃中

庚 別友人 長孫佐輔

愁多不忍醒時別想極還應靜處行

誰遣同衾又分手不如行路本無情

虞 戲作 王秋江

多言謾聒他人耳行事無非往聖書

可惜參乎多唯不如回也只如愚

○用不解字格

支 贈項斯 楊敬之

幾度見詩詩抱好及觀標格過於詩

平生不解藏人善到處逢人說項斯

陽 題扇 黃山谷

草色青青柳色黃桃花零落杏花香

春風不解吹愁却春日偏能惹恨長

齊 遇滂 林性齋

白水茫茫拍柳堤欲尋桃李又無蹤

鷓鴣不解農家事更向林間自在啼

微 翠禽 王復之

擺弄風前翠羽衣小魚剽掠費心機

平生不解窺江海長向滄池來去飛

鐵

○用不與字格

蕭 赤壁 杜牧之

折戟沈沙恨未銷自將磨洗驗前朝

東風不與周郎便銅雀春深鎖二喬

真 題杜 右山

桃李摧殘風雨春天孫河鼓隔天津

主恩不與妍華盡何限人間失意人

先 早梅 王古吟

遜盡群芳又一年遲開鱗在百花前

歲寒不與陽春競到了開遲却是先

支 傷春 趙韞庵

倦客無聊二月時愁心唯有曲闌知

杜鵑不與春為地啼綠一城黃柳枝

○用不及字格

庚 贈汪倫 李太白

李白乘舟欲遠行忽聞岸上踏歌聲

桃花潭水深千丈不及汪倫送我情

齊 畫眉鳥 歐陽公

百轉千聲任意移山花紅紫樹高低

始知鎖向金籠聽不及林間自在啼

言格 十二

歌 牧家信 周東平

渺渺秋風生白波。故鄉歸夢隔山河。可憐一帑平安信。不及衡陽雁字多。

歌 醉書 王稚川

鴈外無書為客久。蛩邊有夢到家多。畫堂玉佩縈雲響。不及桃源欸乃歌。

用不道字格

灰 偶題 朱文公

門外青山紫翠堆。幅巾終日面崔嵬。只看雲斷成飛雨。不道雲從底處來。

真 老梅 王文山

眼底庭梅六十春。當時初見已輪囷。人來只道梅花老。不道梅花笑老人。

歌 七夕 朱氏

未會牽牛意若何。須邀織女弄金梭。年年乞與人間巧。不道人間巧已多。

庚 釣臺 王秋江

饒舌從教奏客星。袞衣爭似一絲輕。當時只道歸來好。不道歸來更得名。

用不道字格

支 牧童

一鞭一笠一蓑衣。短笛橫吹牛倒騎。黃閣朱厓天上事。世間元自不曾知。

支 次韻 方秋厓

春山如海費人詩。驟馬新堤拂柳絲。杜宇一聲春欲暮。海棠睡去不曾知。

灰 晚春 鄭菊山

輕寒時節牡丹開。葉底青青又見梅。門外數枝楊柳薄。一春鶯燕不曾來。

灰 柏 張在

南鄰北舍牡丹開。年少尋芳去又回。唯有君家雙老柏。春風恰似不曾來。

用不道字格

真 吐綬雞 周石雲

飲啄應過濯錦濱。誤吞蜀錦至今新。不然曾入唐宮裏。銜得楊妃繡領巾。

真 麗春花 魏梅墅

一段天機織麗春。錦坊花樣闋時新。不然金谷繁華地。步障香風列舞茵。

灰 山家 蒙齋

詩各

言林
家傍青山竹徑開。知誰長占小樓臺。
不然定是詩人住。竹外無因盡種梅。

卷之十三

○用只今字格

冬 偶成 薛能

山。屐經過。滿徑蹤。隔溪遙。見夕陽。春
當時。諸葛成。何事。只合。終身。作。卧龍。

文 釣臺 林可山

三。聘。慙。勤。起。富。春。如。何。一。宿。便。辭。君。
早。知。開。脚。無。伸。處。只。合。空。山。卧。白。雲。

先 戲謝褚衾 周小溪

玉色嬋娟蝶夢圓。水沈香煖壓紅綿。
白雲一片寒於水。只合松窓伴鶴眠。

○用畢竟字格

歌 王侍御池亭 樂天

朱門深鎖春池滿。岸落薔薇水浸莎。
畢竟林塘誰是主。主人來少客來多。

庚 贈周羽士 翁浩堂

林泉猶有未灰心。苦被詩牽繞世行。
畢竟不貪烟火食。吟邊珠得句冰清。

先 嶺梅 周南峯

老樹峩峩欲入雲。瘴烟蠻雨客銷魂。
春風強自分南北。畢竟枝梢共一根。

支 野堂 王斗山

如笑如悲。又似癡。枝頭未洗舊胭脂。
強將顏色媚行客。畢竟不如庭院時。

○用只恐字格

薰 贈僧 杜荀鶴

利門名路兩何憑。百歲風前短焰燈。
只恐為僧心不了。為僧心了摠輸僧。

陽 海棠 東坡

東風嫋嫋汎崇光。香霧霏霏月轉廊。
只恐夜深花睡去。高燒銀燭照紅粧。

寒 除夜 陳簡齋

一盃歲酒莫留殘。坐看新年上鬢端。
只恐梅花明日老。夜瓶相對不知寒。

微 李三溪第歸 傅西齋

詩入新。自日邊歸。深得西湖柳色衣。
只恐三溪舊鷗鷺。不知時樣却驚飛。

○用只恐字又格

支 隨宜 康節

量力動時無悔吝。隨宜樂處省營為。若求騏驎方乘馬。只恐終身無馬騎。

支 撤戍 陳鏡湖

聞說邊頭卸鐵衣。依依楊柳亦舒眉。人情莫道春和好。只恐西風有冷時。

魚 聞雁 玲瓏窗

虹影侵階驟雨餘。聲聲新雁渡雲衢。鸞弓欲射仍停手。只恐燕山有帛書。

先 送閻經歷 鄭西江

風雨春江何處船。新詩一路幾人傳。看花莫說揚州好。只恐揚州有杜鵑。

齊 建溪圖 方干

六幅輕綃畫建溪。刺桐花下路高低。分明記得曾行處。只欠猿聲與鳥啼。

灰 絕句 梅聖俞

驛使前時走馬回。北人初識越人梅。清香莫把酴醾比。只欠溪邊月下盃。

真 梅 王補之

似向煙梢露笑痕。清臞風味不禁春。凍雲閣雪江頭路。只欠騎驢覓句人。

刪 題梅閣 周南峰

境在平夷方寸間。不栽荆棘占寬闊。四圍盡是梅花了。只欠清風竹數竿。

先 江村即事 司馬文明

罷釣歸來不繫船。江村月落正堪眠。縱然一夜風吹去。只在蘆花淺水邊。

刪 初秋 俞漁溪

火老金柔暑告殘。乘涼正好望南山。秋聲來處無尋覓。只在窗前竹葉間。

刪 秋晚 陳東齋

瘦盡芙蓉菊又殘。客遊懷抱更登山。秋光老矣歸何處。只在愁人兩鬢間。

先 留別 吳菊潭

手彈清淚向離筵。殘日依依上客船。流水自隨人去遠。綠楊只在曲江邊。

用 只有字格

蕭 述懷 劉漫塘

詩各 十五

水邊舟子競招招。陌上車塵晚更驚。
只有幽人無箇事。藕花深處弄輕橈。

尚莘老

江頭高樹綠初肥。留住嬌鶯盡日啼。
只有柳花春不管。南村飛過北村飛。

暮春

陳華甫

青梅如豆帶烟垂。紫葢成拳著兩肥。
只有小橋楊柳外。杏花未肯放春歸。

泛西湖

郭梅塢

笙歌散後水雲閒。山遠波平月一彎。
只有詩人留小艇。吟風搖曳過孤山。

用只有字又格

詠退圃

東坡

百丈休牽上瀨船。一鉤歸釣縮頭鱗。
園中草木春無數。只有黃楊厄閏年。

和靖墓

吳菊潭

墳草年年一度青。梅花無主自飄零。
定知魂在梅花上。只有春風喚得醒。

漁父詞

呂柳溪

萬頃江天一葉舟。桃花春水蓼花秋。

脩然白鳥蒼烟外。只有漁翁得自由。

支題紫岳詩後

看盡南枝看北枝。至今人讀紫岳詩。
騎鯨萬里人何在。只有梅花似舊時。

用只有字格

先煬帝陵

羅隱

入郭登樓出郭船。紅樓日日柳年年。
君王忍把平陳業。只換雷塘數頃田。

灰秋望

後村

暮色蒼然上野臺。廢塘尚有數荷開。
望中愛殺城南柳。只怕霜風一夜來。

庚漫成

陳浹湖

茅屋誰家絃誦聲。未曾日午掩山扃。
應知多學還多事。只教兒童讀孝經。

微寄雁

陳自齋

酒淚裁書寄雁歸。吾廬松迳小柴扉。
天長海闊應難問。只傍白雲飛處飛。

用好是字格

庚平康里

鄭谷

春來無處不開行。此地相看別有情。

言林
好是五更殘酒醒耳邊聽喚狀元聲

先 寒食 韋莊

滿街楊柳綠絲煙畫出清明二月天
好是隔簾花影動女郎撩亂送秋十

陽 歲旦 成文幹

戴星敬捧祝堯觴鏡裏堪驚兩鬢霜
好是燈前偷失笑屠蘇應不得先嘗

侵 欵乃曲 元結

千里楓林煙雨深無朝無暮有猿吟
停橈靜聽曲中意好是雲山韶濩音

用正是字格

文 書惠崇畫 東坡

竹外桃花三兩枝春江水暖鴨先知
蒹葭滿地蘆芽短正是河豚欲上時

支 聞子規 羅鄴

蜀魄十年尚怨誰聲啼血染花枝
滿山明月東風夜正是愁人不寐時

齊 宣州開元寺 杜牧之

松寺曾同一鶴棲夜深臺殿月高低
何人為倚東樓柱正是千山雪漲溪

支 綠珠 杜月渚

以色危身豈不知甘心死別不生離
樓前甲士紛如雪正是花飛玉碎時

用便是字格

尤 荻浦 東坡

雨折霜乾不耐秋白花黃葉惹人愁
月明小艇湖邊宿便是江南鸚鵡洲

先 二月 山谷

竹筍初生黃犢角蕨芽新長小兒拳
旋挑野菜炊香飯便是江南二月天

先 題梅間 周南峰

一淪雲腴一篆煙日長無事曲肱眠
世間安樂為清福便是黃金不直錢

真 閩浙分水界

古驛頽垣不記春隔離雞犬舊比鄰
東家纔過西家去便是閩人訪浙人

用知是字格

微 蒿水灘妓衣 裴慶餘

滿額鬢黃金縷衣翠翹浮動玉釵垂
從教水漲羅衣濕知是巫山行雨歸

詩格

先 送門冬飲

東坡

一枕清風直萬錢。無人肯買北窓眠。開心暖胃門冬飲。知是東坡手自煎。

刪 塞下曲

嚴次山

漠漠孤城落照開。黃榆白草滿關山。千枝卷笛連雲起。知是胡兒牧馬還。

灰 田園雜興

范石湖

社下燒錢鼓似雷。日斜扶得醉翁歸。青枝滿地花狼藉。知是兒孫鬪草來。

用誰是字格

真 架鷹

崔鉉

天邊心膽架頭身。欲擬飛騰未有因。萬里碧霄終一到。不知誰是解條人。

灰 試罷

韋承貽

三條燭盡鐘初動。九轉丹成鼎未開。明月漸低人擾擾。不知誰是謫仙才。

用却是字格

真 朱門

周葵窓

朱門茅屋偶為鄰。北阮誰憐南阮貧。却是梅花無世態。隔牆分送一枝春。

庚 春晚

劉克齋

詩來嘲我負新晴。杖屨遲遲似倦行。却是傷春情太切。怕來花底聽鶯聲。

用不是字格

支 題畫

東坡

人間斤斧日創夷。誰見龍蛇百尺姿。不是溪山曾獨往。何人解作卧猿枝。

歌 駐馬坡

羅北谷

一登偉觀眇山河。下有將軍駐馬坡。不是胸中兵十萬。長江天險誤人多。

東 吟詩

陳成之

半窓圖畫梅花月。一枕波濤松樹風。不是客愁眠不得。此行詩在此山中。

庚 朝僧惠嵩

无名氏

河分尚勢司空曙。春入燒痕劉長卿。不是師偷古人句。古人詩句犯師兄。

用不是字格

庚 烏江

胡曾

爭帝圖王勢已傾。八千兵散楚歌聲。烏江不是無船渡。耻向東吳再起兵。

詩格

東 王昭君

何萼齋

春到穹廬雪未融日高氈帳暖如烘
當時不是毛延壽應嘆孤眠老漢宮

文 醜醜

盧祖高

霜飄雲條一架春酒中風味夢中聞
東風不是無顏色過了梅花合許君

蕭 四鷺圖

蕭大山

老樹招人掛許瓢四公子輩亦風標
世間不是無林水利點名癡競市朝

○用不見字格

真 柳枝詞

劉禹錫

煬帝行宮渭水濱數株殘柳不勝春
晚來風起花如雪飛入宮牆不見人

麻 嘗北梨

葛天民

老向羊時感物率新棠梨到野人家
甘酸尚帶中原味腸斷春風不見花

文 交背嶺

趙天樂

路向秋峰頂上分曉雲峰下白紛紛
漸行漸入雲生處滿目西風不見雲

卷之十四

○用見字格

尤 閨怨

王昌齡

閨中小婦不知愁春日疑粧上翠樓
忽見陌頭楊柳色悔教夫婿覓封侯

真 寄段十六

盧象

與君相識即相親聞道君家住孟津
為見行舟因借問客中時有洛陽人

先 秦川吟

康節

當時馬上過秦川倏忽如今二十年
因見夫君談舊事依稀猶自記風煙

○用正字格

灰 春詞

何應龍

玉纖輕揭綉簾開行到花前淚滿腮
正爾春心無處托一雙蝴蝶忽飛來

灰 代簡

王建

傳盃有約誤前回我欲無詩奈此梅
正好倚欄天又雨莫教容易上蒼苔

寒 中秋雨

張至龍

雨聲敲作桂花寒書伴孤燈照老顏
月色正供金闕宴分光應不到人間

詩格

麻 觀梅

王秋江

冷淡生涯靜更嘉不須竹外一枝斜
歲寒正好全孤節莫被行人知有花

用更字格

尤 飲別

盧滿江

明月垂虹幾度秋短篷長是繫詩愁
暮烟疎雨分塲地更上松江百尺樓

虞 禹迹圖

王實齋

輿地空存禹迹圖不應燕代已非吾
倚欄小立江南望更覺風烟一半無

陽 寄吳雲卧

朱靜佳

浦澈初寒未有霜櫓聲搖月下蒼茫
書中不盡相思事更看西風雁幾行

支 泛舟

陳月潭

雙漿春風款款移斜陽大半落方池
不妨暫向橋邊駐更為桃花了詩

用更字又格

歌 和親

蘇郁

關月夜懸青塚鏡塞雲秋薄漢宮羅
君王莫信和親策生得胡雛虜更多

尤 鍾山

王荊公

澗水無聲遠竹流竹西花草露春柔
茅簷相對坐終日一鳥不啼山更幽

陽 蔗境

周石峰

世味多端好備嘗未能悅口勿輕忘
結交莫厭初年淡晚景相看意更長

歌 答道人求詩

蒙齋

舉目其如感慨何世間無地不風波
道人莫說吟詩事說着吟詩事更多

用却字格

元 關右寺壁

王嗣宗

欲掛衣冠神武門先尋水竹渭南村
却將舊斬樓蘭劍買得黃牛教子孫

寒 武夷權歌

朱文公

七曲移船上碧灘隱屏仙掌更回看
却憐昨夜峰頭雨添得飛泉幾道寒

庚 贈採藥叟

施肩吾

老去唯將藥裏行無家無累一身輕
却教年少取書卷小字燈前闢眼明

元 峰

徐進齋

詩格
賦得風流一性根。尋花覓草去村村。
却憐滿面黃塵污。勤力歸來奉至尊。
○用却字又格

真 閨恨 許裴

手炷熏爐對月明。回文機上暗生塵。
自家夫婿無消息。却恨橋頭賣卜人。
寒 戌婦詞 施肩吾

半落銀釭午夜闌。戍衣裁就寄將難。
雁來不帶平安字。却帶邊風入帳寒。
虞 投誠齋 劉改之

蓬萊東觀是亭。循經國文章。要鉅儒。
頓著五花。猶不判。却於註易下工夫。
真 責杜鵑 李竹隱

荊益山川不庇身。空於枝上惜殘春。
故園猶自羞歸去。却在他鄉勸別人。
○用却字又格

庚 竹枝詞 劉禹錫
楊柳青青江水平。聞郎江上唱歌聲。
東邊日出西邊雨。道是無情却有情。
庚 勸農 陳自齋

清曉松間。鳴道聲。勞煩。父老出郊迎。
卧廬。應有高人笑。笑自不歸耕。却勤耕。

元 宮怨 張武子
花底燒香深閉門。宮鴉栖了已黃昏。
君王未識無人妬。雖不承恩却感恩。

尤 看月 鄒梅塢
愛月凭欄。懶下樓。樓高元不礙詩眸。
一聲過雁。西風冷。不帶書來。却帶愁。

○用和字格
尤 旅懷 杜荀鶴
月華星彩坐來收。山色江聲暗結愁。
半夜燈前十年事。一時和雨到心頭。

麻 惜花 陳石泉
東風漸急夕陽斜。一樹天桃數日花。
為惜紅芳今夜裏。不知和月落誰家。

麻 夜歸 陳叔弼
霜風緊似夜來些。低下重簾護碧紗。
坐久未能消酒力。小窗和月喚梅花。

麻 子規 趙希逢
鶯聲日沸笙歌奏。富貴春光別一家。

詩格

言
惟有不如歸去恨夜深和月在梨花

○用將字格

尤 穎州西湖 歐陽公

綠艾紅蓮畫舸浮使君那復憶揚州
却將二十四橋月換得西湖十頃秋

尤 聚遠樓 東坡

無限青山散不收雲奔浪捲入簾鉤
直將眼力為疆界何啻人間萬戶侯

冬 立春 黃玉林

酥滴花枝暖欲融酒邊花信惱遊蜂
羞將白髮三千丈來對春盤縷菜茸

刪 歷山院 張東谷

兩地雲山百里間相逢一笑入禪關
却將二十年前事話到秋江月半山

○用將字又格

元 枯樹 長孫佐輔

數圍枯樹半心存野火燒枝水浸根
應是無機承雨露却將春色寄苔痕

支 喜鶴 六一翁

鮮鮮毛羽耀朝輝紅粉墻頭綠樹枝

日暖風輕言語軟應將喜報主人知

庚 春日 東坡

鳴鳩乳燕寂無聲日射西窗淡眼明
午醉醒來無一事只將春睡賞春晴

元 田家 鄭穀夫

田家汨汨水流渾一樹高花明遠村
雲意不知殘照好却將微雨送黃昏

○用倚字格

庚 宮怨 樂天

淚盡羅巾夢不成夜深前殿按歌聲
紅顏未老恩先斷斜倚熏籠坐到明

寒 春詞 王潛齋

雨重垂楊綠未乾一渠流碧弄潺湲
暝鴉過盡東風惡獨倚衡門看遠山

豪 閉門 呂耐軒

猿影低垂鶴影高柴門晝靜掩蓬蒿
茶甌喚醒江湖夢閑倚梅花讀楚騷

魚 訪傅中裴 林十竹

萬卷粼粼小石渠手搖花露滴銀朱
侍兒閑却沈香奩羞倚雲屏看讀書

持格 下 二

言

用若見字格

麻 送入歸上國 韋莊

送君江上日西斜回首江亭滿樹花

若見青雲舊相識為言流落在天涯

尤 送劉月湖 葉西澗

袖携詩卷上荊州月色蘆花一樣愁

若見廣文應問信為言歸思滿扁舟

用惟見字格

尤 蠻州 張藉

瘴水蠻中入洞流人家住在竹棚頭

春山海上無城郭惟見松牌出象州

庚 唐昌觀玉藥花 王建

一樹鬢鬆玉刻成飄廊點地色輕輕

女冠夜覓香來處惟見堦前碎月明

用認字格

蒸 漁父 陸龜蒙

雨後沙虛古岸崩魚梁移入亂雲層

歸時月墮江洲暗認得妻兒結網燈

微 贈鑑湖相士 文文山

瘦筇凌風弄碧漪山光雲影共熹微

月黃昏裏疎枝外認取半天孤鶴飛

陽 送青柑 石屏

百果之中無此香青青不待滿林霜

明年歸侍傳柑宴認取仙鄉御愛黃

真 觀猴戲 方寸翁

拳大獼猴性頗馴兒童戲弄費精神

不知還似孫供奉認得當時舊主人

用到字格

真 三月晦日 賈島

三月正當三十日風光別我苦吟身

共君今夜不須睡未到曉鐘猶是春

陽 別李紉 盧綸

頭白乘驢帶布囊一回言別淚千行

兒孫滿眼無歸處唯到樽前似故鄉

寒 台州禱旱 尤袤

三日淋漓已渺漫未晴三日又言乾

從來說道天難做天到台州分外難

寒 寄遠 邵立軒

郎去遼西秋又殘寄郎衣去怕郎寒

山長水遠人難料直到書歸心始安

待格

言

用字又格

先 楓橋夜泊 張繼

月落烏啼霜滿天江楓漁火對愁眠

姑蘇城外寒山寺夜半鐘聲到客船

尤 遊慈恩憶元九 白樂天

花時同醉破春愁醉折花枝當酒籌

忽憶故人天際去計程今日到涼州

刪 邱壁 鄭有極

茶蘼香夢怯春寒翠掩重簾燕子閒

鼓斷玉釵紅燭冷計程應說到常山

先 放船 僧本粹

數幅蒲帆破曉煙一篙春水漲平川

誰家池館多楊柳時送飛花到客船

用不到字格

刪 湘西寺 石屏

東岸樓臺西岸山滿湘一片在中間

紅塵不到滄波上僧與白雲相對閑

尤 無題 丘菊岳

冷漾天河雁背秋玉風銀露裏瓊樓

夢寒不到芙蓉閣十二欄干吹笛愁

魚 素業 郭耕岳

彈鋏浩歌辭別國倚窓守傲返吾廬

紅塵不到梅花下贏得殘年自讀書

先 山眠 秋厓

借得松風一覺眠旋燒枯葉煮山泉

人間蟻垤王侯夢不到梅花紙帳邊

用不到字格

灰 夏日 司馬公

榴花映葉未全開槐影沈沈雨勢來

小院地偏人不到滿庭鳥迹印蒼苔

庚 廢寺 李元白

溪沙橫漲水痕平閑叩雲闕壁半傾

殿上土花人不到斷塼支睡聽蟬鳴

侵 斷腸曲 張武子

條風窓戶柳陰陰雲壁春山護水沈

花裏小闌人不到流鶯啼起去年心

卷之十五

用直字格

真 漢業 張雪庵

漢業如何作得成都綠能聞楚君臣

可憐許大秦，天下只直黃金四萬斤。
先 趙清獻墓 劉菊莊

琴鶴清風凜，幾年碑陰猶不受。苦錢
長安道上輕肥客，不直松梢一點煙。

支 梅花 唐帝錫

開遍南枝開北枝，梅花心事有誰知。
胡腔塞曲千般恨，那直孤山兩句詩。

用懶字格

刪 客程尋詩 蒙齋

踏破千山與萬山，旗亭風軟客程寬。
徐行懶上肩輿去，怕有新題不及看。

刪 乞米 黃君度

恨不移封飲顛山，却來寫帖學陶顏。
首陽豈是無薇蕨，懶把清名落世間。

寒 秋詞 馮深居

條悅因何爾許寬，別來消息儘平安。
盆池水冷魚兒聚，只在窓前懶去看。

支 紅梅 周南峰

本是水霜雪月姿，清高潔白世皆知。
自從點染臙脂面，一向吟翁懶說伊。

用嫌字格

元 集靈臺 杜工部

號國夫人承主恩，平明騎馬入宮門。
却嫌脂粉汙顏色，淡掃蛾眉朝至尊。

庚 春草 劉原甫

春草綿綿不可名，水邊原上亂抽榮。
似嫌車馬繁華地，纔入城門便不生。

刪 移家 賈島

雖有柴門長不開，片雲孤木伴身閑。
猶嫌住久人知處，見擬移家更上山。

麻 春雪 昌黎

新年都未有芳華，二月初驚見草芽。
白雪却嫌春色晚，故穿庭樹作飛花。

用者字格

真 安國觀 盧尚書

夕照紗窗起暗塵，青松遶殿不知春。
君看白首誦經者，半是宮中歌舞人。

蕭 孟盤吟 邵康節

林下孟盤太寂寥，寂寥長願似今朝。
君看擊鼓撞鐘者，勢去賓朋不易招。

言本

陽 宮詞

陳節齋

桂影婆娑玉殿涼。風傳花漏夜聲長。

內人亦有思仙者。月下吹簫引鳳凰。

東 訪蓮社道人 蒙齋

千古廬山一派同。祇今誰與振宗風。

我來不問其他者。只問城桑老醉翁。

用者字又格

歌 鑑湖

陸盤隱

賀公歸去理漁簑。信是開巾得趣多。

後五百年無繼者。一天空浸白鷗波。

先 幽居

僧楚巒

杖履獨遊栽藥圃。琴樽多在釣魚松。

晚來花下敲門者。不是詩仙即酒仙。

寒 泊釣臺

劉隨如

昨夜扁舟宿釣灘。清風猶自逼人寒。

我來不是求名者。何必先生冷眼看。

陽 梅

方秋厓

不肯春風時世粧。歲寒岩谷倚冰霜。

人間亦有知香者。豈遣一枝橫出牆。

用耳字格

真 月下

方秋厓

春風不到葦苔石。山月自隨煙水身。

窮是世間常事耳。不知顛倒幾多人。

支 訪戴圖

謝太冲

溪光月色本清奇。何事扁舟只恁歸。

要識去來皆與耳。歸時更好似來時。

灰 芙蓉驛

周子厚

鳳凰山下芙蓉驛。零落殘碑半蝕苔。

俯仰十年如夢耳。舊題剝落已塵埃。

刪 一笑

蒙齋

丹心照破清宵月。白髮相看黃落山。

淨世看來如寄耳。樽前一笑且開顏。

用空字格

微 書扇

東坡

窓搖細浪魚吹日。手弄黃花蝶透衣。

不覺春風吹酒醒。空教明月伴人歸。

陽 宮梅

周南峰

一自瑤妃玉闕香。豈無人卧舊含章。

清姿不上風流額。空對菱花暈曉粧。

真 春暮

鄭眉齋

村南村北幾分春。半作殘烟半作塵。
草色已迷行樂處。楊花空拂倚樓人。

麻 朝上元禁舞 姜白石

市樓歌鼓太喧譁。寶炬連珠照萬家。
太守令嚴君莫舞。遊人空戴玉梅花。

○用借字格

先 越上 鄭菊山

越州兒女上湖船。船上新粧照水妍。
醉倚東風和月色。情人扶上柳橋邊。

青 柳枝詞 陳得齋

纔見春來眼便醒。百年人事易飄零。
鬢橫不似新條好。可惜東風染得青。

刪 吳緬洞 王秋江

利名如海正趨瀾。那得山中半日閒。
歸去尚嫌收拾晚。洞門半掩白雲關。

虞 酒醒 陸龜蒙

幾年無事傍江湖。醉倒黃公舊酒壚。
覺後不知新月上。滿身花影倩人扶。

○用伴字格

陽 內直 白樂天

絲綸閣下文書靜。鐘鼓樓中刻漏長。
坐到黃昏誰是伴。紫薇花對紫薇郎。

麻 寒食寄女 竇鞏

烟燧初銷見萬家。東風吹柳嫩條斜。
尤堪欲上誰相伴。馬踏春泥半是花。

東 題南嶽 真西山

百年五嶽隔華戎。屏蔽皇家獨祝融。
曠喜嶽靈今有伴。岱宗新入版圖中。

微 春晴 高九萬

深院沈沈照落暉。寶香薰徹舊時衣。
一春行樂誰為伴。羞見花前蛺蝶飛。

○用伴字又格

微 書扇 東坡

窓搖細浪魚吹日。手弄黃花蝶透衣。
不覺春風吹酒醒。空教明月伴人歸。

元 寄趙信庵 余樵隱

有人曾到湘南者。能說江頭自種園。
莫種閑花種梅樹。且圖疎影伴黃昏。

麻 鷺 張志龍

西風吹冷到漁家。片雪飛來泊水涯。

獨立斜陽如有待擬邀明月伴蘆花

先謝堦金 周小溪

玉色嬋娟蝶夢圓水沈香煖歷紅綿
白雲一片寒於水只合松窓伴鶴眠

○用共字格

支遊成都 方干

遊子出遊多不歸春風酒味勝常時
閑來却共巴童醉豈翫花邊唱竹枝

灰漁父 呂仲明

小市長陵熟往來忘機鷗鳥不相猜
携魚換酒共一醉隔岸人家桃李開

真賽神 韓退之

白布長衫紫領巾差科未動是閑人
麥苗含穗桑生甚共向田頭樂社神

尤題寺壁 寇國寶

黃葉西陂水漫流簾條風急送扁舟
夕陽暝色來千里人語雞聲共一丘

○用上字格 鄧梅暉

寒春閨 寶鴨香銷曉夢殘起扶宿酒倦臨鸞

嫩寒不着春風面鈎上珠簾看牡丹

麻鄰子 王士炭

小雁橫金壓髻鴉春風一段隔窓紗
停針懶綉鴛鴦襪捲上珠簾看落花

支小牕 蕭水厓

小窗雲影破琉璃六曲屏風白紵詞
池館雲晴梅落盡詩情移上綠楊枝

東梅花 蒙齋

冷葩寂寞戀殘雪老樹槎牙倚半空
最好夜深明月影和香描上玉屏風

○用上字又格

寒夜直 荊公

金爐香盡漏聲殘剪剪輕風陣陣寒
春色惱人眠不得月移花影上欄干

陽閨恨 丘菊巖

白馬金韉又渺茫木香花發日新長
鷓鴣啼黑前山雨一脉春寒上綉床

支花院 吳氏

花院陰陰燕落泥倚欄閑捻紫蕭吹
遊蜂一點和煙墜帶得飛紅上柳枝

詩格

支 晏起

韋莊

近來中酒起常遲。卧看南山改舊詩。
閉戶日高春寂寂。數聲啼鳥上花枝。

○用看字格

庚 絕句

蘇子美

春陰垂野草青青。時有幽花一樹明。
晚泊孤舟古祠下。滿川風雨看潮生。

庚 田園雜興

范石湖

柳花深巷午雞聲。桑葉尖新綠未成。
坐睡覺來無一事。滿牕晴日看蚕生。

麻 與鷺湖僧

曼山

手持錫杖踏雲霞。來與山人共煮茶。
香霧浮空談未了。君行我欲看梅花。

庚 龍井閣

周南峰

巋然一閣倚林柯。中有神龍卧不驚。
六月青天無點雨。幾人來此看雲生。

○用看字又格

麻 午睡

誠齋

梅子留酸軟齒牙。芭蕉分綠與窓紗。
日長睡起無情思。閑看兒童捉柳花。

蕭 書懷

曼山

醉插琪花吹鳳簫。蓬萊春晝儘逍遙。
白雲黃鶴無拘束。閑看吳兒弄晚潮。

支 鄂州道中

溪繞孤村山繞溪。野花牽引上疎籬。
老翁抱子茅簷靜。坐看羸牛鬻豆箕。

卷之十六

○用吟字格

虞 過洞庭

呂洞賓

朝遊北海暮蒼梧。袖裏青蛇膽氣粗。
三入獄陽人不識。朗吟飛過洞庭湖。

東 下祝融峰

朱文公

我來萬里駕長風。絕壑層雲許盪胸。
濁酒三盃豪氣發。朗吟飛下祝融峰。

蕭 亦樂臺

方秋厓

分得山雲老一瓢。夢寒不記紫宸朝。
無人會得閑中意。吟入梅花雪逕遙。

○用欠字格

元 荔子

方秋厓

曾識坡仙海上山。清冰寒露洗嬾裯。

老夫不與詩為地，却欠閨中住一番。

虞 鉛山西湖 周南峰

西湖湖上望，鷺湖水碧山清畫不如。楊柳滿堤，亭榭好種梅。人只欠林逋。

陽 觀蓮 方巨山

南薰獨擅水雲鄉，不許人間別有香。是草是花開一遍，春風却自欠商量。

支 自然足軒 劉改之

翠竹無多第一奇，正憂啞聒俗人知。清風自足老僧用，只是窗前欠好詩。

尤 茗溪 杜小山

風掠蓬窗兩鬢秋，生涯無歲不扁舟。吟詩本欲閑消遣，及到吟成字字愁。

灰 和靖集 曾北溪

千里煙雲赴雅懷，鶴知客去自歸來。先生本愛西湖住，不詠荷花却詠梅。

庚 孤山 張蒙泉

花向疎時香更清，已忻梅下了平生。先生本是逃名者，却為梅花引得名。

東 繼一堂 方秋厓

徑與三茅借一峰，自携周易聽松風。隱居本是逃名計，結入頭銜便不中。

庚 宮詞 王建

鴛鴦瓦上瞥然聲，晝寢宮娥夢裏驚。元是君王金彈子，海棠窠下打流鶯。

虞 小院 孫花翁

小院無人竹簟鋪，晝眠難穩客心孤。牕前嫌怕鶯驚夢，自擲青梅打鷓鴣。

灰 朝回 朱中

柝聲驚報早朝回，滿院春風綺戶開。惟得無人理絲竹，綠陰深處打青梅。

真 冬日公子 方南山

羅綺相圍日日春，寒風吹屋不吹身。自緣著得重裘煖，感拾庭前雪打人。

陽 宮詞 劉後村

先帝宮人揔道裝，遙瞻陵柏淚成行。舊恩一似薔薇水，滴在羅衣到死香。

詩格 三十一

仄 閨怨 許棐

眉鎖從春不暫開，懶移心事向粧臺。恩情恰似殘花片，去逐東風更不回。

支 江陵愁望 玄機子

楓葉千枝復萬枝，江橋僵臥暮帆遲。憶君心似西江水，日夜東流無歇時。

真 送客 王申之

細數歸鴉定暮春，有詩便寄莫辭頻。此身恰似銜泥燕，日來尋舊主人。

○用畫圖字格

虞 騎驢 右山

復作騎驢不下驢，此生斷酒未須扶。獨無錦里驚人句，也得梁園畫作圖。

虞 賦詩亭 簡齊

浩浩白雲淡一色，冥冥青竹鳥三呼。只今那得王摩詰，畫我凭欄覓句圖。

虞 煙雨村 周月舫

半蒔半芸還半鉏，秧青水白犢牛烏。冥濛遠木參差影，此是江南煙雨圖。

虞 浣花醉歸圖 黃竹礪

酩酊歸來臥寒驢，小兒捉戀大兒扶。日斜花落春泥滑，豈料人間畫作圖。

○用箇字格

侵 遺經閣 朱文公

讀書不見行間墨，始識當年教外心。箇是儂家真寶藏，不應猶羨滿籬金。

真 題本草 劉後村

勤讀方書不為身，里中皆舊半成塵。幾時作箇荒山主，多種黃精遺世人。

支 松梅 南峰

冰玉精神鐵石姿，歲寒心事兩相知。老枝擎雪梢橫月，箇是吟翁得意時。

庚 送真舍人 後村

舶客珠犀湊郡城，向來點漉幾公卿。海神亦嘆公清德，少見歸舟箇樣輕。

○用慣字格

陽 秋早 方秋厓

山氣爐燼早火光，田頭枯死半青黃。飢腸慣作晴雷吼，且乞梧桐一夜涼。

陽 席上 韋蘇州

詩格 下

高髻雲鬟宮樣粧春風一曲杜韋娘
司空見慣渾閑事斷盡蘇州刺史腸

寒 水亭 姜白石
啼殺流鶯春正寒一亭長占綠楊灣
客來日日拋香餌慣得遊魚倚玉闌

魚 寄太光 陳簡齋
心折零陵霜入鬢更修短札問何如
江湖不是無來鴈只慣平生作報書

東 風箏 高駢

夜靜絃聲響碧空宮高信任往來風
依稀似曲纔堪聽又被風吹別調中

寒 芭蕉 錢羽
冷燭無煙綠蠟乾芳心未展怯春寒
一絨書札藏何事會被東風暗拆看

寒 藏撇 夏竦
舞袖跳珠復吐丸遮藏巧便百千端
主人端坐無由見會被旁人冷眼看

先 立春 黃玉林
五十無聞松自憐後來歲月更茫然

余生幾度看新曆又被春風減二年
用故字格

灰 謝送酒 皮日休
門巷寂寥空紫苔先生應渴解醒盃
醉中不得相親問故遣青州從事來

灰 謝送酒 韓子蒼
上饒籍甚文章守曾共紫薇花下盃
銓閣晝閑思老病故教從事送春來

微 宮怨 聞人祥止
金井梧桐影漸移千門萬戶掩斜暉
君看珠翠無顏色故著尋常淡薄衣

微 訪道士不遇 陳石窓
石盤猶有著殘碁何處尋仙久不歸
洞裏春風似相識故吹花片上入衣

冬 秋思 李竹谿
入夜秋風舞井梧敗荷衰柳作愁容
關干立到斜陽盡一片鄉心屬砌蛩

麻 閨思 施芸叟
簾底臨鸞惜歲華鬢雲慵掠寶釵斜

詩格

言本
落梅香斷無消息一樹春風屬杏花
先 春夜 丁蘭恣

月到江樓第幾闌金鳧銷盡水沈煙
玉簫吹斷梨花夢一半春心屬杜鵑
東 廢宅燕 張山樵

主人仙去畫樓空冷落斜陽半壁紅
說盡興亡誰聽汝不知身已屬西風
用曾字格

侵 題試院 唐人
梧桐葉落井亭陰鎖閉朱門試院深
曾是昔年辛苦地莫將今日負初心

庚 聽軋箏 劉禹錫
滿座無言聽軋箏秋山碧樹一蟬鳴
只應曾送秦王女寫得雲間鸞鳳聲

微 汴京紀事 劉彥冲
萬炬銀花錦綉圍景龍門外軟紅飛
淒涼但有雲頭月曾照當時步輦歸

寒 松 李成之 師中
半依巖岫倚雲端獨立亭亭冒歲寒
一事頗為清節累秦時曾受大夫官

用笑字格

支 種芥 方秋厓
不論青紫已離離煙濕春畦手自治
一笑摩挲空洞腹是間儘納幾須彌

麻 種花 周雨峰
牡丹亭榭玉侯宅揚柳池塘富貴家
堪笑詩人門戶窄旋鋤荒地旋栽花

寒 小園 何橋潭
地占方園十丈寬已栽花木四時春
客來莫笑生涯薄牕外新添竹數竿

東 答送菊 山谷
病來孤負鸞鷺杓禪版蒲團入眼中
浪說閑居愛重九黃花應笑白頭翁

用占字格
東 丹桂壽益公 劉改之
少日東堂奏捷功浮香仙籍繼家風
年年占得中秋景一顆冰輪照九穹

庚 月笛
玉鑑光中玉管橫桂香吹動正三更
一聲占盡秋江月黃鶴樓前不奈明

魚漁父

鄭夢周

披却蓑衣翁自漁青荷包飯柳穿魚
歸來獨坐蓬窓底自占一溪雲水居

秋佳

寒春思
杜鵑花落石欄干新添晴波綠繞灣
小立佇詩風滿袖一雙睡鴨占春閑

陽白牡丹

秋佳

自掩窓紗護夕陽碧壺深貯溜晴光
可曾見此春風百淨洗鉛華試曉粧

簡齋

雪起爐山久未移功名不恨十年遲
日斜疎竹可窓影正是幽人睡足時

秋佳

歸來彭澤幾何日只與吟身辨秫田
靈草獨醒山雨外可曾持到漉巾前

劉禹錫

生公說法鬼神聽身後堂空夜不扃
高座寂寥塵漠漠一方明月可中庭

用誤字格

東縱筆

東坡

寂寂東坡一病翁白頭蕭散落霜風
兒童誤喜朱顏在一咲那知是酒紅

錢春塘

五色流蘇架鳳頭旋裝方響按伊州
數聲誤入他腔夫兩點春山帶淺愁

成育堂

歌西湖坡仙詞
西子當年事若何吳宮遺恨冷烟波
先生誤把西湖比兩色晴光那似他

王棊倚

侵梅花
不受緇塵半點侵竹籬茅舍自甘心
只因誤識林和靖惹得詩人說到今

用誤字又格

真七月九日
海激天翻電雷噴蒼松十丈劈為薪
須臾龍捲他山去誤殺田頭望雨人

劉後村

先春夢話
銷金帳冷水沈煙髻滑金釵落枕邊
魂夢不知春已去誤隨胡蝶過秋千

吳仲亨

灰墨梅

程月山

酒邊清思巧安排。蜂蝶如知合暗猜。
只恐霜天幽絕夜。誤他明月上窗來。

卷之十七

庚 寄懷崔雍 李商隱

竹塢無塵水檻清。相思迢遞隔重城。
秋陰不散霜飛晚。留得枯荷聽雨聲。

陽 溪行 李顯卿

枯木扶疎夾道旁。野梅倒影浸寒塘。
朝陽不到溪陰處。留得橫橋一板霜。

真 仙興 吳菊潭

宮殿沈沈在五雲。鶴搖松露滴行人。
洞門不放東風過。留得桃花一樹春。

用事字格

虞 華山毛女仙 陳圖南

曾折松枝為寶栢。又編栗葉作羅襪。
有人問着秦宮事。笑撚仙花望太虛。

刪 漁翁 唐岫雲

白髮江邊弄釣竿。此心閑處此身閒。
有人來說文王叟。笑入蘆花杳靄間。

尤 到家 張拙菴

糲飯藜羹飽。即休青鞋布襪也。風流
客來。若問人間事。笑撚梅花。只掉頭。

先 漁父 周芾

萬頃滄波欲暮天。穿魚換酒柳橋邊。
客來問我興亡事。笑指蘆花月一船。

用須字格

支 霜筠亭 東坡

解箨新篁不自持。嬋娟已有歲寒姿。
要看凜凜霜前意。須待秋風粉落時。

文 贈孫莘老

嗟余與子久離群。耳冷心灰百不聞。
若對青山談世事。須當舉白便浮君。

寒 閩浙界 黃初菴

閩浙都來隔一山。閩山較暖浙山寒。
要知地土分南北。須向梅花枝上看。

東 錢陳尉 盧得龍

君欲淮南我欲東。功名雖異此心同。
淮南富貴皆脂粉。須把精神對北風。

用當字格

詩各 三十五

四封

放
下
毛
五

言
灰 見山梅 戴石屏

踏破溪邊一徑苔。好山好竹少人來。
有梅花處惜無酒。三嗅清香當一盃。

先 元夕 胡立堂

花街簫鼓恣駢闐。老去情懷異昔年。
獨凭欄干清坐久。只將明月當金蓮。

灰 秋雨 趙師榮

黃菊紅葉一向開。斷雲挾雨送寒來。
清愁滿目無人會。只把新詩當酒盃。

先 西湖 蒙齋

十里笙歌溢畫船。綠絲搖曳戲秋千。
東風熏得遊人醉。直把春衫當酒錢。

支 柳枝詞 劉禹錫

城外春風颭酒旗。行人揮袂日西時。
長安陌上無窮樹。惟有垂楊管別離。

尤 倚樓 陳棻一

一聲新雁一天秋。獨向江樓倚暮愁。
江上有雲將雨去。却留殘照管汀洲。

尤 苦雨 方秋厓

翁自無田望有秋。有秋翁亦飽餬餉。
此愁不遣吾儂管。欲遣何人管此愁。

麻 孤山 方寸翁

春風十里闌繁華。舞袖歌衫弄日斜。
只有村童渾不省。山前山後管梅花。

用麼字格

歌 天上 李師德

天上雙輪快擲梭。世間好事莫蹉跎。
朱顏綠鬢應無價。千兩黃金買得麼。

歌 掬水月在手 朱氏

無事江湖弄碧波。分明掌上見嫦娥。
不知李謫仙人在。曾向船邊捉得麼。

歌 閉管 周南峰

白髮秋來日漸多。為入煩惱苦催科。
便教更白三千丈。民命如絲續得麼。

歌 道間官擔 前人

擔去擔來有許多。窮民無計奈伊何。
不知到了成家後。有好兒孫守得麼。

用也字格

東 自遣 陸龜蒙

詩各

數尺遊絲隨碧空。年年長是惹春風。
爭知天上無人住。也有清愁白髮翁。
元 端午 石屏

榴花角黍薦時新。何處家家不酒樽。
堪笑江湖老詩客。也隨蒿艾上朱門。
侵 天籟 蒙齋

萬竅調刀噫嗒聲。非竿非鐸亦非琴。
玉樓天上高多少。也有騷人學苦吟。
庚 上元 趙信菴

翡翠簾開舞袖輕。寒星萬點下蓬瀛。
清樽對月酌不已。已向蓬窓坐到明。
用生字格

不用山僧供帳迎。世間無此竹風清。
獨拳一手支頤卧。偷眼看雲生未生。
庚 竹軒 葛敏修

處處虛堂望眼寬。荷花荷葉過欄干。
遊人去後無歌舞。白水青山生晚寒。
寒 湖上 姜白石

數點歸鴉過別村。隔溪漁笛遠相聞。
文 晚眺 石屏

菰蒲斷岸潮痕濕。日落空江生白雲。
寒 春晚 宋謙甫

寶鴨香銷春夢殘。起來無力倚欄干。
庭前不合新添樹。雨過綠陰生暮寒。
用掃字格

昨日黃昏始看回。夢中相約又銜盃。
起來聞道風飄却。猶擬教人掃取來。
灰 看杏花 司空圖

一樹桃花一半空。不堪狼藉楚王宮。
山僧閑把青鸞尾。背却東風掃落紅。
東 山寺 葉苔磯

江城吹角晚風斜。城郭人稀噪暮鴉。
火冷煙青寒食過。家門巷掃桐花。
麻 掃花 張渭川

簾幕風輕燕影斜。盆池清淺浸蒲芽。
日長庭院無人到。自拗松梢掃落花。
用縱字格

漢主東封報太平。無人金闕議邊兵。
庚 隴西行 陳陶

言
縱饒奪得秋。胡塞瘠地桑麻種不生。
東 啄木 周南峰

緇衣絳幘兩撐紅。為木除災啄蠹虫。
縱使蠹虫都啄盡。人間蠹穴詎能空。
支 梅實 方寸翁

息。息。花謝成佳實。一點酸心惹客悲。
縱使道旁都棄擲。也須留得豫章詩。
東 芙蓉 後村

池上秋風一兩叢。何妨冷淡伴詩翁。
如今縱有看花意。不愛深紅愛淺紅。
用錯字格

真 長門怨 崔道融
長門花泣一枝春。爭奈君恩到處新。
錯把黃金買詞賦。相如自是薄情人。

虞 夢覺 蓮花菴尼妙靜
夢跨飛鸞上碧虛。始知身世是蘆廬。
歸來錯認邯鄲道。山鳥一聲春雨餘。

庚 老歌者 王建
白髮歌人帶舊情。上皇生日出京城。
如今供奉多新意。錯唱當時第一聲。

庚

秋詞

沈庸齋

雨放涼。聽弄晚晴小窗。誰與共秋清。
月華網在蛛絲上。錯認疎簾掛水晶。
用學字格

微 初夏 徐寅
長養薰風拂曉吹。漸開荷芰落薔薇。
青虫也學莊周夢。化作南園蛺蝶飛。

蕭 彭澤柳 周葵臆
千載柴桑事寂寥。閉門春盡綠烟消。
風前樹老枝條短。學得先生懶折腰。

微 渭城柳
雨洗風梳綠萬絲。渭城春晚恨依依。
送行莫帶楊花折。學著楊花定不歸。

魚 客中 鍾梅心
雪意沈沈近歲除。客懷渺渺正愁予。
梅花瘦盡相思苦。閑撥爐灰學草書。

虞 午熱 楊誠齋
矮屋炎天不可居。高亭爽氣亦全無。
微風不被蟬餐却。留得些涼到老夫。

詩格

麻 采芹亭

方秋厓

嘿坐焚香儘自佳。莫隨俗眼亂空花。古今人物不相遠。勘破中間只隔些。

麻 寄訊王秋江

蒙齋

憶着騷壇老作家。暮雲春樹楚天涯。扁舟若到秋江上。為說吟髭又白些。

麻 答蔡蒙齋

秋江

憶昔方平會蔡家。蓬萊清淺渺無涯。苦吟未換神仙骨。定有丹砂願覓些。

○用枉字格

虞 漢儒

劉後村

孰戰浮沈亦未迂。無端着領弄新都。白頭所得能多少。枉被人書莽大夫。

微 鷺

趙希前

漠漠江湖自在飛。一身到處占漁磯。稻田水淺魚能幾。枉被泥沙汗雪衣。

冬 即事

方秋厓

自刈香粳稅水春。旋篘新釀搗泥封。晚菘種了無餘地。不枉歸田學老農。

侵 促織

陳鏡湖

金菊芙蓉繞宅深。夜長辛苦為誰吟。紅粉總是簾箏手。不上寒機枉費心。

○用借字格

陽 清平調

太白

一枝紅艷露凝香。雲雨巫山枉斷腸。借問漢宮誰得似。可憐飛燕舞新粧。

陽 田園雜興

范至能

黃塵行路汗如漿。小駐儂家漱井香。借與門前盤石坐。柳陰亭午正風涼。

魚 次韵

方秋厓

世於吾道轉崎嶇。是與非耶一子虛。借得祈山兩間屋。一間分與月明居。

元 春日江居

葉苔磯

家住夕陽江上村。一灣流水護柴門。種來松樹高於屋。借與春禽養子孫。

○用識字格

灰 答袁機仲

朱文公

忽然半夜一聲雷。萬戶千門次第開。若識無中今有象。許君親見伏義來。

灰 海棠

陳簡齋

詩格

下

三十九

海棠脉脉要詩催日暮紫綿無數開
欲識此花奇絕處明朝有雨試重來

元 梅花 方秋厓

竹遠踈籬水遠村一枝相伴到黃昏
暗香似識騷人意月淡無風自入門

尤 樓眺 周南峰

獨自懷人暮倚樓碧雲芳草思悠悠
春風似識相思意倒挂踈簾上玉鈎

○用記字格

麻 贈王寂 東坡

與君暫別不須嗟俯仰歸來鬢未華
記取江南烟雨裏青山斷處是君家

陽 次韻 秋厓

瀑煮春風山意長梅花吹雪入詩香
夜寒記得僧房夢脩竹半窓雲一床

先 宋氏林亭 薛能

地濕莎青雨後天桃花紅近竹林邊
行人本是農桑客記得春深欲種田

虞 謝應之 山谷

昨夜風雷震海隅天心急擬活焦枯

推委

去年席上蛟龍語未委先生記得無

○用無字格

支 下蜀 花蕊夫人

君王城上豎降旗妾在深宮那得知
十四萬人齊解甲也無一箇是男兒

東 黃葉 陳尊芷

夢回歷歷雨聲中窓影分明曉色紅
出戶方知是黃葉更無一片在梧桐

庚 春詞 何橋潭

春色撩人睡不成笑牽郎手下踏行
夜深簷外花陰轉一半欄干無月明

侵 滕玉閣 彭介山

不見巴山不見亭巴山知隔幾雲岑
拍闌憶着西風事秋水長天無古今

○用留字格

元 官柳 段成式

枝枝交影鎖長門嫩色曾沾雨露恩
鳳輦不來春欲盡空留鶯語到黃昏

陽 和江秀才獻花 山谷

踈花得雨數枝黃白髮綠愁百尺長

言格
要與老夫同。一醉故留秋。意作重陽。

支 桂師惠筆

周南峰

毫穎纖圓管。奇精神猶帶廢龍姿。
換驚愧殺無義帖。留寫彌明石鼎詩。

侵 陸羽茶井

磬石封苔百尺深。試茶嘗味少知音。
唯餘半夜泉中月。留照先生一片心。

用了字格

麻 檢院即事

任斯菴

禁路風清。蚤早鴉官卑。遙望紫宸衙。
了無公事。鈞簾坐一樹。冬青落細花。

灰 晚歸

陳月觀

亂山擾擾。水洄洄。橋畔茶蘼爛熳開。
一塔夕陽紅未了。微風低送雨花來。

真 梅花

方烏山

凜凜冰清。巖巖氣亭亭。玉立廟堂身。
從前誤把。瑤姬比。雌了。梅花俗了人。

支 延客

蒙齋

小小茅簷。短短籬。客來相對坐多時。
定無俗子知蹤跡。更為梅花了一詩。

用了不用字格

寒 鸚鵡

羅隱

莫恨雕籠翠羽殘。江南地暖隴西寒。
勸君不用分明語。語得分明出轉難。

庚 歲豐

誠齋

大熟仍教得大晴。今年又是一昇平。
昇平不用笙歌沸。只聽前村打稻聲。

灰 宮粧

陳自齋

淺畫蛾眉。薄傅腮。淡粧雅稱壽陽梅。
丁寧不用梳高髻。勾引朝臣諫疏來。

陽 馮唐廟

千百年前漢老郎。晚來燈火曉來香。
祠前不用尋碑記。列在班書數十行。

用了不用字格

灰 絕句

山谷

破卯扶頭把一盃。燈前風味喚仍回。
高陽社裏如相過。不用開携惡客來。

灰 僧廬

曾茶山

頭白高僧心已灰。石苔蒲長水蕉開。
莊嚴無事。爐烟起不用開。防俗子來。

詩各

下

四十一

言
灰 梅次韻

蒙齋

菊後交承便到梅陽和一點又胚胎
江頭千樹花如雪不用唐宮羯鼓催

卷之十八

○用分付字格

尤 小軒

陸放翁

砧杵聲中歲月流小軒風露一簾秋
人間走遍心如石分付寒蟬替說愁

陽 苦吟

陳藏一

坐到心清有妙香蒲團紙帳任更長
閉門不受庭前月分付梅花自主張

灰 觀燈

朱雀齋

萬朵紅蓮午夜開聒天簫鼓殷樓臺
箇中難着清吟客分付月明歸去來

○用老子字格

先 伏日

後村

屋山竹樹帶疎蟬淨掃風軒散髮眠
老子平生無長物陶詩一卷枕屏邊

支 栽仁杏

趙白雲

白髮移根總道遲何年及見子無魚

老夫但欲添培植不問開花結子時

灰 春遊

楊誠齋

不知春向雨中回只道春光苦未來
老子今朝偶然出杏花全落杏花開

刪 題東林寺

改之

爾自貪癡不肯閑江南多少好青山
老夫為不愛官職買得狂名滿世間

○用道人字格

尤 題淮南寺

明道

南去北來休更休白蘋吹盡楚江秋
道人不是悲秋客一任晚山相對愁

冬 武夷權歌

文公

二曲亭亭玉女峰插花臨水為誰容
道人復不復陽臺夢興入前山翠幾重

灰 臨溪寺

劉後村

一徑松花點紫苔東風落盡佛前梅
道人深掩禪關坐莫聽鶯聲出定來

陽 暮春

僧玉菴

雨後荼蘼將結寫風前芍藥正催粧
道人不管春深淺贏得山中歲月長

詩格

四十二

○用元不字格

佳 涉趣園

鄭月山

一行作吏偶成年。三徑歸來正自佳。說與旁人應失笑。淵明元不會安排。

寒 大夫松

王秋江

祖龍衝雨過林端。污我清陰百尺寒。空把黃塵驚白鶴。蒼官元不受渠官。

魚 焚書坑

章碣

竹帛煙銷帝業虛。闕河空鎖祖龍居。坑灰未冷山東亂。劉項元來不讀書。

支 牧童

一鞭一笠一蓑衣。短笛橫吹牛倒騎。黃閣朱厓天上事。世間元自不曾知。

○用怕有字格

尤 聞雁

嚴次山

西風吹夢楚天秋。鴈正來時妾正愁。怕有帛書天外至。畫眉未了急登樓。

庚 汴舟

僧侶溪

舟入沙灣一段清。枯蘆風起作霜晴。江邊怕有梅花發。說與梢工近岸檣。

真 桃花

謝疊山

尋得桃源好避秦。東風又見一年春。花飛莫遣隨流水。怕有漁郎來問津。

青 孤山

高梅谷

湖柳颺晴眼。欲青孤山重。扣舊時。偏狂吟。莫向梅花讀。怕有詩魂樹下聽。

○用那有字格

陽 答文與可

東坡

為愛鶯溪白。繭光掃殘雞距紫。毫芒世間那有。千尋竹。月落庭空影。許長。

麻 海棠

陳月觀

點點川紅撮絳紗。人間誰敢闖穠華。風流若使遺山見。那有心情向杏花。

支 戲為

王秋江

紅藥紛紛蝶打團。綠楊寂寂鳥吹簾。滿前春意濃如許。那有心情問客誰。

東 秋社

周南峰

村鼓無聲酒盞空。稻花狼藉怨西風。鄰雞早被官攪了。那有豚蹄到社公。

○用偶然字格

寺各

下

四十三

真 木居士廟 韓昌黎

火透波穿不計春根如頭面幹如身
偶然題作木居士便有無窮求福人

先 偶題 方秋厓

飛絮遊絲芳草路淡煙疎雨落花天

偶然畫出尋詩意未必新詩待畫傳

魚 與客夜坐 荆公

殘生傷性老耽書年少東來復起予

各據槁梧同不寐偶然聞雨落塔除

灰 蓮池夜酌 蒙齋

一池風露碧蓮開涼夜凭欄索酒盃

移却青燈就明月偶然螢火恰飛來

微 閨怨 王平州

郎在關西妾在閩妾心日日望郎歸

西風一紙征鴻信剗地催人辨夾衣

庚 過早禾渡 劉改之

雨後斜陽未見晴曉看紅日報窓明

爭與十里宣城路剗地濃雲脚裏行

寒 春寒 魏草窗

獨凭欄干怯牡丹簷花纔聽雨聲乾

無端又被東風惡剗地多添一夜寒

豪 望歲 陳蓮湖

十日啼飢待哺罄方田力種不辭勞

秋成苦作兼旬雨剗地街頭米價高

支 絕句 僧顯可

琴到無絃聽者稀古今惟有一鍾期

幾回擬鼓陽春曲月滿虛堂下指遲

虞 宮詞 後村

一夜西風入碧梧蟬聲永巷月同孤

幾回夢裏羊車過又是銀牀轉轆轤

先 閨恨 張武子

家住鄰城小洞天經年烹鯉尚茫然

幾回鵲喜無消息吹殺燈花獨自眠

寒 謝寄羊裘

短棹長簑九曲灘晚來開把釣魚竿

幾回欲過前灣去却怕斜風特地寒

真 宮人斜 陸龜蒙

用勝字格

草樹愁煙似不春。晚鶯哀怨問行人。
須知一種埋香骨。猶勝昭君作虜塵。

支 水墨梅

陳簡齋

自讀西湖處士詩。年年臨水看幽姿。
晴窗畫出橫斜影。絕勝前村夜雪時。

東 題僧寺

魏處士

世情冷暖由分別。何必區區較異同。
若得常將紅袖拂。也應勝似碧紗籠。

尤 觀刈

方秋厓

豚蹄孟酒祀甌窶。一飽人間萬事休。
已約山妻同野飯。今年又勝去年秋。

用勝字又格

支 田家婦

劉後村

草草衣裳鬢半垂。墻負畢竟與齊眉。
絕勝京洛傾城色。鎖向侯門作侍兒。

支 西施乳

洪駒父

萋萋短短荻芽肥。正是河豚欲上時。
甘美遠勝西子乳。吳王當日未曾知。

元 題驛舍

盧秉

青衫白髮病參軍。旋采黃糧買酒樽。

但用有錢留客醉。也勝騎馬傍人門。

虞 早春

韓昌黎

天街小雨潤如酥。草色遙看近却無。
最是一年春好處。絕勝煙雨滿皇都。

用十年字格

庚 遣懷

杜牧之

落魄江湖載酒行。楚腰腸斷掌中輕。
十年一覺揚州夢。贏得青樓薄倖名。

冬 宿都亭

劉禹錫

雲雨江湖起卧龍。武陵樵客躡仙蹤。
十年楚水楓林下。今夜初聞長樂鐘。

真 宮怨

倪梅村

羅袖無香鏡有塵。一枝花瘦不成春。
十年不識君王面。始信嬋娟解誤人。

灰 初秋

歐寓菴

桐葉離離欲滿階。乍涼天氣客情懷。
十年舊事雲飛盡。一夜雨聲都送來。

用十年字又格

歌 哭貝翰

杜荀鶴

交朋來哭我來歌。無限青山蔽綠蘿。

詩路

下

四十五

四海十年人殺盡，似君埋少不埋多。

庚 次韻 蕭冰崖

花時不作海棠晴，花底教人意未平。

庚 春風樓 何應龍

踏歌槌鼓過清明，小雨霏霏欲弄晴。

刪 自贊 葉唐卿

心事茫然兩鬢斑，十年空走利名關。

○用幸負字格

蕭 為有 李商隱

為有雲屏無限嬌，鳳城寒盡怯春宵。

灰 春陰 何橋潭

密雨流酥入翠苔，春陰日日鎖樓臺。

蕭 閨中春暮 丘菊西

女郎未有尋芳約，幸負櫻桃一半開。

枕

卷之十九

○用兩自字格

寒 華清宮 崔櫓

草遮回磴絕鳴鑿，雲樹深深碧殿寒。

真 漁父 潘紫岳

明月自來還自住，更無人倚玉欄干。

文 盆花 蒙齋

春花斜斜鬪鮮奇，屈幹蟠枝巧力施。

○用為有字格

灰 觀書 文公

半畝方塘一鏡開，天光雲影共徘徊。

灰 雪中酬王舍人 昌黎

問渠那得清如許，為有源頭活水來。

○用時有字格

齊 送蜀客 張藉

今朝踏作瓊瑤迹，為有詩從鳳沼來。

蜀客南行祭碧雞。木綿花發錦江西。山橋日晚行人少。時有猩猩樹上啼。

灰 黃氏園亭 陳靜泉

隨意殘花寂寞開。已無溪舫與亭臺。主人當日彈碁石。時有牧童敲火來。

用為去聲字格

灰 和劉景文 東坡

牡丹松檜一時栽。付與春風自在開。試問壁間題字客。幾人不為看花來。

侵 葦夷陵居 李涉

負郭依山一徑深。萬竿如束綠沈沈。從來愛物多成癖。辛苦移家為竹林。

陽 槐花 翁承贊

雨中粧點望中黃。勾引蟬聲送夕陽。憶得當年隨計吏。馬蹄終日為君忙。

灰 遊衡山 王秋江

衡山山上白雲堆。曾記昌黎笑傲來。見說山雲今翳甚。不知近日為誰開。

用兩為字格

灰 吉祥寺花 東坡

仙衣不用剪刀裁。國色初酣卯酒來。太守問花花無語。為君零落為君開。

灰 絕句

春光冉冉歸何處。更向樽前把一盃。盡日問花花不語。為誰零落為誰開。

虞 謝饋蟹 方秋厓

雪斫雙螯玉一壺。譙中曾有此奇無。始知張翰思歸意。不為秋風只為鱸。

真 見梅 趙東閣

舊歲南枝花。又新鬢邊雪。更無春。天公也似無公道。只為閑花不為人。

用兩負字格

真 春詞 方秋崖

花不知愁句。又塵晚寒。獨自倚欄頻。一分心事一分雨。春負子。耶子負春。

刪 山亭

約住山雲。倚斷欄。雲如秋薄。掩松關。對山終日無佳句。山不負予。予負山。

麻 梅邊酌月 蒙齋

娟娟霜月侵窗紗。一樹寒梅影半斜。

今夜相逢須劇談，莫教負月負梅花。

支 中秋翌日 魏梅墅

銀河淡淡瀉天地，一鑑清光溢酒卮。月不負子，子負月，醉歌終夜欠吟詩。

先 中秋月 方端仲

海角冰輪碾上天，幾宵終得一宵圓。人問辜負秋多少，半是悶愁半醉眠。

麻 舟行 趙雲洞

春事平分到水涯，山園人靜望栖鴉。晚來幾陣東風雨，半是催花半落花。

尤 春日即事 劉玉澗

雲作春寒雨未收，亂紅深處叫鉤舟。東風綠盡江南柳，半是春愁半客愁。

麻 客中秋日 朱晏峰

千里還家計又差，長年行李寄天涯。秋風病骨稜稜瘦，半是吟詩半憶家。

支 山居 李三溪

倒壓山光屋影歌，箇中誰住定能詩。如何種得梅花好，半入疎篁半入池。

陽 將曙 翟丰

玉虫膏冷暗銀缸，蝴蝶飛飛引夢長。睡覺不知窗已白，半疑殘月半疑霜。

真 送春 曹東剛

紅紫吹成陌上塵，欲留春住苦無因。一般情緒兩般惡，半送行人半送春。

尤 秋夕 王度

策策風窗顫晚秋，客愁詩思兩悠悠。夜深不奈當天月，半在香檯半在樓。

寒 春寒 方秋崖

卷中未有好詩看，春草滿池塘夢已殘。客又不來春又老，一簾新雨杏花寒。

麻 春雲 林石田

春雲亂把曉山遮，遮斷雲山山外家。歸又未成人又老，十年心事在梅花。

剛 晚春 盧可菴

茶蘼一架雪漫漫，盡日春風自掩關。客又不來吟又懶，半窗微雨看青山。

言林 四十一

寒梅 蔡蒙齋

冰肌玉骨不知寒。深掩柴荆鶴夢殘。月又漸高霜又下。惜花猶自倚吟欄。

○用見不見字格

麻 道經有感 韓偓

水自潺湲日自斜。絕無雜犬有鳴鴉。千村萬落如寒食。不見人烟空見花。

微 華清宮 崔櫓

障掩金雞畜禍機。翠環西掃蜀雲飛。珠簾一閉朝元閣。不見人歸見雁歸。

麻 洛中 康節

滿洛城中將相家。競栽桃李作生涯。年年二月凭高望。不見人家只見花。

刪 真州江山樓 洪盤隱

秋月春風幾凭欄。菰蒲斷岸荻花灣。江南山色青如許。不見江樓祇見山。

○用拆開重字格

微 絕句 亡名氏

楊柳青青著地垂。楊花漫漫攪天飛。柳條折盡花飛盡。借問行人歸不歸。

尤 代贈 秋厓

碧宇香深冷翠簷。夢飛不到玉搔頭。暮天欲雪寒如此。且問梅花愁不愁。

灰 尋梅 張正齋

健步山頭與水隈。可人携手話敲推。呼僮更踏前村雪。問訊南枝開未開。

灰 同山無燕 蒙齋

誰把紗籠拂拭開。仙翁吟筆久生苔。鶴歸華表無消息。莫問烏衣來不來。

○用拆開風吹字格

魚 老圃堂 盧綸

邵平瓜地接吾廬。穀雨乾時偶自鉏。昨日春風欺不在。就床吹落讀殘書。

麻 春日 王黃州

兩株桃杏映籬籬。斜裝點商州刺史家。何事春風容不得。和鶯吹折數枝花。

支 楊柳 楊巨源

水邊楊柳鞠塵絲。立馬煩君折一枝。唯有春風最相惜。殷懃更向手中吹。

魚 絕句 劉貢父

言格

青苔滿地初晴後。綠樹無人書夢餘。唯有南風舊相識。徑開開戶又翻書。

○用風吹字格

江 聞樂天左降 元微之

殘燈無焰影幢幢。此夕聞君謫九江。垂死病中驚起坐。暗風吹雨入寒窗。

灰 野廟

吳融

古原荒廟揜葦苔。何處喧喧鼓笛來。日暮烏啼人散盡。野風吹起紙錢灰。

文 天台道中

惠嵩

滿川梨雪照斜曛。野水交流路不分。隔岸一聲牛背笛。和風吹落渡頭雲。

文 山中

陳愛山

樵人歸後鹿成羣。幾樹青松鶴自分。天外夕陽沈未盡。春風吹起一山雲。

○用待歸字格

微 鎮州初歸

昌黎

別來楊柳街頭。樹擺亂春風。只欲飛。唯有小園桃李。在留花。不發待郎歸。

微 歸故山

錢起

谷口殘春黃鳥稀。辛夷花盡杏花飛。始憐幽竹山窓下。不改清陰待我歸。

微 村居

唯菴

帶犢烏犍卧草肥。下田父子自鋤犁。舍間鑪婦新炊熟。只待兒孫筍蕨歸。

微 春社

蒙齋

雨過芹香帶淺泥。海棠花下倚斜暉。呼童莫把柴門掩。留待舊巢新燕歸。

○用會意字格

支 梅花

東坡

湖面初驚片片飛。尊前吹折最繁枝。何人會得春風意。怕見長江細雨時。

真 依仁齋

王秋江

人亦何依。曰此仁吾心。無限好精神。君還會得。依仁意。李核桃穰。總是春。

豪 冬夜

揚蘭

未受寒風徹。夜號焚香。閉閣對蘭膏。此時誰會。詩人意。惟有梅花。眼力高。

虞 梨花

趙福元

玉作精神。雪作膚。雨中嬌韻起。清灑。

詩格

下

五

言本
若人會得。然態寫作揚妃。出浴圖。

○用無處字格

麻 聽鄰笙

郎士元

風吹聲如隔彩霞。不知牆外是誰家。
重門深鎖無尋處。唯有碧桃千樹花。

東 立秋

劉武子

亂鴉啼散玉屏空。一枕新涼一扇風。
睡起秋聲無覓處。滿階梧葉月明中。

微 智門寺

張炆草

傳聞此地有龍飛。古殿殘碑刺鳳螭。
事去千年無問處。寂寥霜草卧苔碑。

寒 寄江南社友

僧覺菴

自從携手出長安。三見秋風滿畫欄。
折得藕花無寄處。一江風月雁聲高。

○用想應字格

寒 聞蛙

王秋江

新綠終深雨乍乾。細聽鼓吹客衾寒。
想應多在公田裡。徹夜喧鳴只為官。

寒 釣磯

游寒岩

竹裡茅茨竹外溪。粼粼白水護漁磯。

想應日來垂釣石上。蓑衣不帶歸。

東 訪丹師不遇

蒙齋

一卷黃庭求未終。雲牕深鎖碧玲瓏。
想應採藥山中去。留得丹爐宿火紅。

麻 聞怨

艾笛舩

東風吹盡斷腸花。郎未歸來妾在家。
欲寫春心付流水。想應流不到天涯。

○用在第幾字格

東 清曉

何應竜

清曉輕傳一信風。花添紅粉草添茸。
畫樓十二欄干曲。春在珠簾第幾重。

支 山居

沈平

半屋蒼雲冷不知。清香入夢結成詩。
覺來推戶行吟處。月在梅花第幾枝。

尤 宮詞

趙善社

碧落初明月未收。露華香滴杏梢頭。
玉欄干外東風軟。人在重雲第幾樓。

東 進學圖

徐進齋

柳暗花明一畝宮。時行時止自從容。
高情直與天風會。人在深居第幾重。

用在字格

灰 木犀

李梅曜

露洗金虫。一半閑。層層碧玉映樓臺。西風昨夜吹香過。人在欄干待月來。

陽 閨情

張銓屋

綽約風姿。掠晚粧。清羅衫袖帶微香。一彎踰遍紅欄角。月在花梢。人斷腸。

陽 中子山

任翻

絕頂新秋。生夜涼。鶴飛松露滴衣裳。前峯月照半江水。僧在翠微開竹房。

庚 冬夜

張志文

風擺撥鈴。三兩聲。蕭湘屏下夢魂驚。西牕送上梅花影。月在樓頭雁打更。

用在字又格

齊 人家

洪平齋

林深路轉。午雞啼。知有入家住隔溪。一塢開紅春色。動酒帘。直在杏花西。

先 西湖

陳秦溪

望湖樓下水。浮天楊柳堆烟。不礙船。橫笛一聲山。水綠夕陽正在斷橋邊。

覃 訪朴翁。不過

亂花飛絮。趁長橋。來訪西湖竹裡菴。行盡白雲三十里。詩人又在白雲南。

麻 雨過

馮去非

水堂長日淨。鷗沙便覺涼。塵帶鬢華。睡裡不知涼。是雨捲簾微濕在荷花。

用在字格

青 贈藥山和尚

李翱

鍊得身形似鶴形。千株松下西函經。我來問道無餘說。雲在青天水在瓶。

支 香奩體

葉貴

梅子青青柳絮肥。綠陰庭院困人時。可憐萬種相思恨。半在羅襟半在眉。

真 采芹亭

方秋厓

亭與蕉嵐一樣新。詩書不受世間塵。光風霽月來無盡。不在溪山只在人。

卷之二十

用在字格

刪 華清宮

吳融

漁陽烽火照函關。玉輦匆匆下此山。

詩格 五十一

一曲霓裳聽不盡至今遺恨水淚浹
微 夏初 盧弼

盧龍塞外草初肥雁乳平燕曉不飛
鄉國近來音信斷至今猶自著寒衣
尤 杜鵑行 蒙齋

千年蜀魄事悠悠啼被蒼烟血淚流
記得天津橋一語至今遺恨未曾休
不用古人語格

尤 鍾山絕句 王荆公
澗水無邊遠竹流竹西花草弄春柔
茅檐相對坐終日一鳥不鳴山更幽

麻 挑 後村
為愛桃花半樹斜鮮衣貫酒隔鄰家
唐人苦死無標致只識玄都觀裡花

先 盆池小蓮 僧居簡
萍粘古瓦水浮天數葉田田貼小鏡
才大古來無用處不須十丈藕如船

陽 和梅花百詠 蒙齋
千年人道謫仙狂詩句流傳千載芳
可惜片言太粗率梨花白雪那曾香

用古人全句格
灰 書白石山房 東坡
偶尋流水上崔嵬五老蒼顏一笑開
若見謫仙煩寄語匡山頭白早歸來

尤 送人守嘉州 東坡
蛾眉山月半輪秋影入平羌江水流
謫仙此語誰解道請君見月時登樓

灰 和館中上元 韓子蒼
開卷愛公如李益解言明月逐人來
多情好共春流轉刺燭題詩又一回

支 臘月菊 陳月觀
健倒東籬已後期霜寒風勁半開時
如今却被詩人笑誰道秋香一夜衰

反騷格
寒 寒亭
朔風凜凜雪漫漫此際寒亭未是寒
六月火雲天不雨請君來此凭欄干

先 巧夕 王斗山
夢挾飛仙上碧天天孫擲手步機前
願言回納三分巧乞與人間拙十年

詩格 五十二

豪 端午 石屏

海榴花上濛濛雨。自切菖蒲。泛濁醪。今日獨醒無用處。為君痛飲讀離騷。

文 社日無酒 蒙齋
社日東鄰共割烹。杯羹葷食薦殷勤。寄言莫送治聲酒。世事年來不願聞。

蒸 杜伯升 東坡
欲識當年杜伯升。飄然雲水一孤僧。若教俯首隨韃鎖。料得如今似我能。

尤 即事 山谷
閉門竟句陳無已。對客揮毫秦少游。正字不知溫飽味。西風吹淚古藤州。

陽 西湖戲作 東坡
一士千金未易償。我從陳趙兩歐陽。舉鞭拍手笑山簡。祗有并州一葛彊。

灰 贈楊震齋 王秋江
試問江湖楊震齋。乾坤氣數幾時回。無人共說中原夢。袖手青山自打垂。

自述名號格

支 四休居士 黃山谷
無求不著看人面。有酒可以留人嬉。欲知四休安樂法。聽取山谷老人詩。

庚 三三徑 楊誠齋
三徑初開是蔣卿。再開三徑有淵明。誠齋奄有三三徑。一徑花開一徑行。

先 謝送褚衾 陸放翁
紙被曲身。夜雪天白。於狐腋。軟於綿。放翁用處。君知否。不是蒲團。夜坐禪。

寒 武夷九曲 方秋厓
雲氣藏山。雪卷灘。地靈不與俗人看。一篙略借秋厓。便九曲欲窮。山水寒。

青 木末 荊公
木末北山。烟冉冉。草根南。澗水冷冷。綠成白雪。桑重綠。割盡黃。雲稻正青。

支 南浦
南浦東崗。二月時。物華撩我賦新詩。含風鴨綠。粼粼起。弄日鶯黃。裊裊垂。

陽 南園 東坡

不種天桃與綠楊使君應欲務農桑
春晴雨過羅紈膩夏曉風來餅餌香
先 初夏 蒙齋

快登層觀聳陰肩便有新詩在眼前
紅顏亞枝肥著雨翠芒翻墊膩粘天
○用地石格

蒸 望海樓 東坡

青山斷處塔層層隔岸人家喚欲磨
江上秋風晚來急為傳鐘鼓到西興
尤 臨平道中 僧道潛

風蒲獵獵弄輕柔欲立蜻蜓不自由
五月臨平山下路蕪花無數繞江州
先 楓橋夜泊 張繼

月落烏啼霜滿天江楓漁火對愁眠
姑蘇城外寒山寺夜半鐘聲到客船
尤 謁太守 詩僧

詩僧何用謁王侯大海中須納細流
昨夜虎丘山上望一輪明月照蘇州
○用紀歲月格

庚 春水生 杜工部

二月六夜春水生門前小灘渾欲平
鸕鶿溪鵝莫漫喜吾與汝曹俱眼明
東 重九 陳簡齋

憶得甲辰重九日天恩曾預宴城東
龍沙北望西風冷誰把黃花壽兩宮
庚 紀事 周南峰

丙辰臘月壬午夜卧聽驚霆海震轟
脚底癢兒方鼾睡鼻如雷吼不聞聲
魚 贈黃秋月 王秋江

熙寧壬子中秋月曾照杭州蓬島居
茅屋市樓俱有命只今造化定何如
○宮帖寓諷切意

元 端午帖 歐陽公
楚國因諶逐屈原終身無復入君門
願因角黍詢遺俗可鑑前王惑巧言

陽 皇太后閣春帖 司馬公
慶壽風烟接未央飛樓複道鬱相望
春來無以銷長日閑取經書教小玉

魚 夏日宮帖 真西山
午漏沈沈滴玉壺清陰羃羃布庭除

直將底事消長日太學中庸兩卷書
先端午夫人閣帖 王岐公

後苑尋春趁午前歸來競闕玉欄邊
袖中獨有芸香草留與君王辟蠹編
押無字韻格

虞 古意 王駕

夫戍蕭關妾在吳西風吹妾妾憂夫
一行書信千行淚寒到君邊衣到無

虞 謁韓魏公 李清臣

公子乘閑卧絳厨白衣老吏慢寒儒
不知夢見周公後曾說當年吐哺無

虞 贈算數者 周義山

易在胸中不在書君今袖裡有嘉大
不知明日天津路聽得杜鵑聲也無

虞 荆公遊半山圖 許梅屋

驢載新詩僕抱書松聲禽語當傳呼
不知邂逅耕田者問及青苗免役無

虞 就有字押無韻格

虞 以竹杖供仁山主

陳后山

錯節竹杖勁有餘坐林須按起須扶
一生用底今相贈更問林間有此無

虞 寄遠 吳菊潭

淡烟芳草鄉心遠細雨梨花客夢孤
十載故廬茅卷盡春風知有燕歸無

虞 上巳 蕭冰崖

花城院院重三酒障粉困香醉玉壺
歲月堂堂風景在長安今有麗人無

虞 孤村流水圖 陳月觀

綠水青山繞屋廬寒鴉老樹隔菰蒲
幾年不踏江南路還有人家似此無

用前身字格

虞 墨梅 陳簡齋

含章檐下春風面造化功成秋兔毫
意足不求顏色似前身相馬九方臯

支 鷓鴣荔枝 李梅亭

絳衣搖曳綻冰肌依約華清出浴時
何物鷓鴣驅不去前身恐是食酥兒

灰 題靈峰寺 東坡

靈峰山下寶陀寺白髮東坡又到來

前世德雲今我是依輪猶記妙高臺
灰 贈輝書記 後村

野老柴門不慣開有僧飛錫自天台
前生莫是寒山子携得清詩滿袖來
○用後身字格

真 答所問 太白
酒肆藏名三十春青蓮居士謫仙人
湖州司馬何須問金粟如來是後身

真 梅花 鄧愛山
冷艷寒光月寫真偏宜雪裡不爭春
梅花因果如何受處士清高是後身

東 贈畫花人 蒙齋
描成萬紫與千紅一幅全偷造化工
莫遣東君痛怜惜後身翻作蝶和蜂

新刊唐宋千家聯珠詩格卷下終

安政三年丙辰秋三刻

江	戶	大阪	京都
吳橋丁目 同二丁目 芝神明前 浅草萱町 同廣路 下谷御盛道 横山丁三百 同寺丁目	須原屋茂兵衛 山城屋佐兵衛 岡田屋嘉七 須原屋伊八 浅倉屋久兵衛 英屋文藏 和泉屋金右衛門 出雲寺万次郎	心齋橋南詰 同安堂寺町 同茶島 敦賀屋九兵衛 秋田屋太右衛門 河内屋喜兵衛	二茶通衣棚 六角通寺町 三條通堺 風月庄左衛門 小川多左衛門 出雲寺文次郎

